

曝書亭全集

冊三



曝書亭集卷第六

秀水 朱彝尊 錫鬯

古今詩五

昭陽單闕

永嘉元日

官舍紅梅放繁花一樹春誰憐元日會無復故鄉人

元夕寄故鄉諸子

戍鼓動高城青燈暖虛壁為報故園人天涯此元夕一食鹽土贊賦

山雪

山雪消猶未江梅凍已殘龍蛇翻遠蟄鳥雀凜相看短服裝繇少深

杯入手乾今宵聞擊柝轉憶北城寒

夢中送祁六出關

酌酒一杯歌一篇沙頭落葉何紛然朔方此去幾時返南浦送君真

可憐遼海月明霜滿野陰山風動草連天紅顏白髮雙愁汝欲寄音
書何處傳

憶河豚二首

正月河豚美嘗時下箸貪未應居海曲翻遣憶江南野老匙真滑西
施乳更甘還持春酒榼爛醉與朋簪

下若槎頭鱸松江巨口鱸嘉魚吾所欲美味爾終輸一食輕生慣頻
年入饌無故鄉弛海禁應得飽春廚

官舍賦得歸鴈寄曹使君雲中

萬里南來鴈歸飛又一羣三江重汎汎二月正紛紛顧影愁官燭懷
書望浦雲關門他夜月應得故人聞

古舍弟

彝鑒

遠訪東甌喜而作詩

急難逢令弟訪我自江東頓喜羈愁豁兼聞道里通晴江空翠裏春
草亂山中知汝南來日西陵定遇風

題朱十江東見弟詩後

錢唐諸九鼎 駿男

有客傳朱十江東見弟詩
長城四十字孰敢近偏師

永嘉雜詩二十首

松臺山

蒼蒼山上松颯颯松根兩
松子落空山朝來不知處

斜川

九曲斜川水分流到海濱
金釵河上月留照浣紗人

青牛塢

我行白鹿城曉入青牛塢
長嘯不逢人松門已亭午

春草池

謝公去已久空餘池上樓
春風園柳色朝夕使人愁

太玉洞

亭亭五粒松華蓋神君宅
風吹寸草生依然綠袍色

東山

判向花前醉何難典縕袍江南春可樂策馬自蘭皋

南亭

薄雲雨初霽返照南亭夕如逢秋水生我亦西歸客

西射堂

已見官梅落還聞谷鳥啼愁人芳草色綠徧射堂西

北亭

日落空水深潮迴春岸白時有看山人江南望江北

孤嶼

孤嶼題詩處中川激亂流相看風色暮未可纜輕舟

謝客巖

朝看白雲飛暮看白雲宿聞有山阿人曾歌白雲曲

花柳塘

山雪初消盡春塘亂水喧州人還幾日相見樂游原

吹臺

仙人留吹臺近在南山麓上有半死桐下有孤生竹

吳橋港

聞說吳橋港荷花百里開當年王內史五月權船迴

白水滌

雲峯斷人行活活風泉落知有山桃花青春發紅萼

斤竹澗

谷口啼清猿巖花泣深露美人兮不來風篁自朝暮

瞿谿

鳥驚山月落樹靜谿風緩法鼓響空林已有山僧飯

華巖山

聞昔華巖寺頻經逸少過洮河流石研未若此中多

上戌渡

月露下檣烏天風靜江樹何處夜歸人歷歷沙中語

綠嶂山

谿山百里陰霜葉鳴瑟瑟試鼓丘中琴定有幽人出

雨

城晚吹煙霧風迴渡水雲入林初漠漠潤礎旋紛紛響愛青荷葉涼
思白練裙西堂有官燭更遣夜深聞

七夕

遠客清樽夕虛堂玉露秋關山頻北望河漢已西流葉落他鄉樹砧
催故國樓今宵看織女未必詣牽牛

東甌王廟

九牧維揚外三江霸越餘王勾踐之後同長沙王吳芮率百越師從漢祖入關滅楚入關從漢約

遵海裂秦墟豪俊宜如此艱難氣不除策功盡項藉分壤接無諸迹

異尊黃屋忠能奉簡書長沙堪伯仲百濮定何如萬古開王會孤城

指帝車

永嘉城象北斗號斗城

靈旂存髣髴過客盡歛殿瓦年頻圻霜林日

漸疎躩跼山鬼立苔蘚石堂虛側想風雲會乘時草昧初遠塗今日

暮下拜獨躊躇

華陽精舍贈源上人

支公櫪上馬謝客郡東山繫馬林亭外看山日暮還瑤華猶未折桂

樹尚堪攀試醉陶潛酒狂歌白石間

郡東山對月有懷周四

吉亥

陳大

忱

吳二

周瑾

白露侵亭幔涼煙滿桂叢如何秋色裏不與故人同蕭颯聞風葉飛

揚見羽蟲南樓滅明燭佇望海雲東

秋日對酒江心寺同高石埭

駿升

作二首

謝監尋山日江童擊汰迎寒潮天外落秋草渡頭生歷覽窮孤嶼道

遙倚化城行廚深樹裏乳酒正須傾

驟雨連山暗回風病葉飛入林初緩帶改席忽沾衣客醉從高枕川
長得斷磯扁舟憐范蠡鰕菜久忘歸

雨

斷續江天雨涼風滿戶庭轉添秋草綠更洗暮山青積霧猶沉樹明
河早見星南亭有歸客朝夕待揚舲

夜渡永嘉江入黃巖

絕岸蒼茫水窮山斷續風雨歸沉黑螟川暝失丹楓華髮垂垂短悲
歌處處同最憐中澤裏深夜有哀鴻

送吳二先輩還漢陽

漢南歸思遶晴川溢浦西風送客船莫上武昌門外望斷腸楊柳似
當年

九月十四日夜月

坐惜如珪月懷人歷九秋關山仍遠道西北有高樓苦憶前溪別應

添少婦愁清輝憐玉臂獨自下簾鉤

返照

返照開寒峽江城入翠微明霞飛不落獨鳥去還歸是處聞吹角高樓尚曝衣山家多畏虎應各掩柴扉

孤嶼亭對月

皎月空江滿寒雲萬里收纖毫瞻顧免怵忽動潛蚪望遠高樓笛行歌半夜舟南征有鴻鴈相傍宿沙頭

雨渡永嘉江夜入柑溪

落日下崦嵫飛雨自崇墉駕言出北郭汎舟橫東江近岫旣凌緬遙岑亦濛籠葱青水竹交乃有樵逕通潛蚪寒載蟄海鷗夕來雙顧望雲葉開張星昏已中荒岡響哀狖枉渚遵輕鴻故鄉日以遠川路靡克終寄言薜蘿客歲宴期來同

題廊下村主人壁

江城獨客一千里海月愁人十上絃夢裏還家無長物天涯歸思逼
殘年飢寒僮僕今何有雨雪關山劇可憐珍重主人投轄飲幾回把
酒意茫然

華壇望鴈宕山歌贈方十三

朱生

朱十八

振嘉

我昔逢羽人迢迢歷滄海貽我神山鴈宕圖玉笈金箱至今在夢想
忘歸亭上游琪花瑤草幾春秋崩流一萬丈濯足大龍湫邇來作客
荒山道欲往層崖事幽討方君遇我顏色親朱子更覺人情好攬環
結珮山澤間樂酒今夕須歡顏登華壇之絕頂眺鴈宕之迴巒雲容
容兮欲雨水嘈嘈兮下山遙岑出沒不可以悉數但見哀禽離獸日
暝而俱還君不見宗少文當年意興真軼羣名山臥遊不得見眼前
圖畫空紛紛君不見謝康樂跡近名山遠城郭咫尺丹梯竟未登江
南江北徒丘壑我今得偕二子從遙看一百二高峯彈琴坐待天邊
月攜手同行石上松荆榛極天路參錯惆悵平生遠游諾安得仙人

相贈九節筇招爾雲中兩黃鶴

病橘

病橘何年植巡簷許數過他鄉淹歲月此樹漸婆娑滿院飛蟲繞空庭落日多向來懷袖意華實竟蹉跎

西陵後感舊

潘安曾對酒吳質數論文舊史悲難續斯人意不羣一為江海別遽作死生分淒斷山陽笛那堪歲歲聞

文丞相祠

尚憶文丞相當年此誓師計成猶轉戰事去祇題詩竹柏空祠屋牲牢尚歲時鳴夸他日恨異代有同悲

謂永嘉諸生鄉維則也

歸次皋亭山作

去年雨雪桃花嶺此日煙波橋李船相值皋亭山上月離家一十二迴圓滄江游子愁心劇白髮高堂望眼穿行李自憐垂橐返田園生

計轉茫然

闕逢執徐

別李繩遠

鴻鴈歲北向鷓鴣日南征棄置父母邦各事萬里行我游踰上谷君
去適昆明迢迢異鄉縣邈若參辰星登艫卽長道祖席依修垆俯視
溝水流仰見浮雲平居人有餘戚況乃衢路情昔賢重離別努力期
修名忠信苟不渝川陸猶戶庭日邁月斯邁暑往寒再更但令長相
思何慮不合并

送孫處士默還黃山

蕪城客散亂烏啼別業黃山路不迷後夜相思秋色遠月明三十二
峯西

淮陰城下作

岸柳行將徧郊扉日漸昏淮陰十萬戶誰解飯王孫

七夕雨

七夕他鄉雨孤舟下相城戍樓連樹黑漁火隔河明且展輕衾臥難
沽濁酒傾故園兒女在相憶定含情

黃河夜月

落月黃河曲先秋白露寒牽牛何皎皎桂樹此團團直北程難計天
南淚不乾居人掩閨夕知己夢長安

謁先賢仲子祠

光岳鍾青帝明禋配素王世家猶不泯俎豆儼成行力養嗟何及長
貧更可傷如聞琴瑟在千載感升堂

分水廟酬高大

佑記

落月西風動戍樓津亭官柳繫輕舟行人莫唱思歸調汶水南來已
北流

守牖清源驛凡五日不得度

清源驛路接幽燕日日沙頭但繫船五兩南風空自好無由吹送衛
河邊

臨清州大寧寺

西北浮雲過雨晴香臺落日散高城遠煙歸鳥忽雙下法鼓空林時
一鳴江海幾人懸夢寐詩書無地問柴荆勞生擾擾成何事目極關
山萬里情

曉發東光縣

際曉投前路衝寒祇緼袍關河仍鼓角舟楫已風濤落月金樞動疎
煙土絳高謀生宜有策筋力爾徒勞

青縣同高大

佑鉅 雨泊

黃河秋潦急羣盜正紛紛去遠驚秋半愁多語夜分空城寒更雨哀
角斷還聞正值南飛鴈嗷嗷度海雲

董子祠

漢日江都相荒祠舊水濱
玉杯存俎豆青簡重天人
夕鳥窺園下秋花裊露新
淒涼不遇賦千載一沾巾

八月十五夜集天津曹武備斌官舍分韻得牀字

北里商歌倚笛牀層城秋色轉蒼涼
關河西望猶千里時余將適雲中烏鵲南飛更幾行
冷露自零叢桂樹深杯無那鬱金香
習池不改山翁興倒載還同舊葛疆

高博士恆懋席上留贈公子緝審二首

列席先投轄升堂喜盞簪飄零忘剗北
風物盡江南滄酒盞豐滿張梨白露甘
留連如意舞更與阿戎談

西陸清秋候東山舊宅開壺觴兼日
夕文詠許追陪且爲看花起還愁上馬
回春風倚歸櫂賭墅定重來

出居庸關

居庸關上子規啼飲馬流泉落日低
雨雪自飛千嶂外榆林祇隔數

峯西

土木堡

平蕪一簣狼山下九月驅車白霧昏到眼關河成故迹傷心土木但
空屯元戎苦戰翻迴蹕諸將論功首奪門早遣金繒和社稷祠官誰
奉裕陵園

宣府鎮

高城西北控燕都吹角清秋落日孤尙憶武皇巡玉塞親從鎮國剖
金符宮槐御柳今蕭瑟虎圈鷹坊舊有無邊事百年虛想像誰誇天
險塞飛狐

上谷道中

急雪千山下渾河萬里流搖鞭逢漢使走馬入雲州

苦寒行

九州皆可歷何爲雲中居聽我歌苦寒泣下沾衣裾

解

寒風利如刀

雪花大如席重裘如束水安問絺與綌解二白日無光晶驚沙但茫茫

舍我四方事土室獨摧藏解三白登自言高乃是太古雪漚洩自言深

腹堅不可裂解四斧冰持作糜鋪糜糜已冰展轉長宵中晨夙不得興

解五攬衣未及帶手龜血出漉巖霜割我面哽咽不得哭解六男兒可憐

蟲出門思故鄉寧飲吳市酒不樂邯鄲倡解七

傷歌行

北風其涼雨雪如擣栖栖素冠行彼周道解一蟹則有筐蟬則有綏父

喪不葬誰憐我為解二瞻彼桓山有革其羽載鳴載揚忽失其侶解三力

行雖疾不如奮飛遠望雖高不如早歸解四凡百君子庶幾心惻翳桑

之餓可以報德解五

十月十四日夜同曹使君雲州對月

發軌自徂暑息鞅及玄冥迢迢沙際月皎皎雲中明皋禽警朔吹別

葉辭苦莖青霜降北陸參井緬縱橫主人託嘉藻休澣寡所營悟彼

行役艱由宴奏中誠清樽湛瑤席兔首亦以烹但言音塵闕豈意良
覲并謙謙君子柄習坎美不盈澄輝矢相照慰我殷憂情

十五日夜月

重陰積邊亭風候異揚粵駢筵集親懿復此亭上月析析靜衰林斐
斐滿層闕清砧無緩響素雲屢興沒客情易爲懷庶用慰寂蔑哀鴈
逝不居流芳久云歇天道互虧盈物理信昭昧詩人戒太康職思永
無忽霜露日夜零故鄉渺難越悽愴游子心獨坐待明發

十六日夜席上贈陳孝廉

容永孝廉
戍邊

晷運方代序感此成鬱陶良友繫白駒芳酒永今宵團圞東城月萬
象仍光昭誰言容輝滅彌覺神理超哀笛奮層樓餘響薄風宵悲哉
遠征士氣輜不得驕冲魄會有宜盛滿誰能要伯陽之流沙箕子去
商郊苟懷艱貞節道德豈不劾申章託微諷撫景蒼長謠

十七夜月

磊磊列宿明
晼晼塞日晚
盍簪數晨夕
吾道豈云遠
飛光上層軒
薄雲冒崇巘
迢迢界斜漢
惻惻引朔管
圓靈乍警闕
素魄已辭滿
清輝寧有渝
潛德期日損
幽人貞素履
君子利往蹇
擇術雖殊塗
心賞得所款
感目既多顏
懷鄉匪異撰
申旦陳苦言
庶令勞者纂

甲辰冬月朱十訪我塞上賦對月詩奉答三首

同里曹溶潔躬

昔我登羅浮
靈雲翼飛軒
炎光扇四序
曄曄神芝顏
有美儼相從
咸作游覽言
芳蘭麗重墀
列植皆翩翻
洗爵命清醕
鱸鯉出丹淵
選日駕輕楫
跌蕩珠江前
矢口吐嘉藻
衆賓稱我賢
聿來鴈門棲
轉瞬八九年
寒燠既殊軌
苦志何由宣
燦燦金張徒
凌忽若浮煙
賴有同心士
風雨仍勿愆
樂莫故交樂
遂賦明月篇

月出照城闐
兵甲何洋洋
連山萬餘里
繇互不可詳
列營慘清角
羽燾隨風翔
束芻徵近郊
飛駁蔚千行
獵火耀繁星
毳服禦嚴霜

章甫謬司憲飭躬戒無荒蓬管閉重闔民俗偕吉康方厯索處憂
之子凌大江弗效兒女仁慷慨溢中腸曠觀幽與并回睇思故鄉
旦夕事游燕孤抱成匹雙何意塵土區逍遙奉主璋

圭璋慎中闕黽勉循昔經暫當展清輝釋憤於邊庭深雪蔽層阪
修柏含青英匡世羨高度緇塵詎能撓短褐濟三冬園葵待晨烹
曲房翦茅茨靜見游鴻征文籍繞四座持酒忻共傾開懷玩流景
哀樂全其貞悠悠道路間乃得親友生恆嶽有磐石足以喻精誠
環顧王化周冀方息交兵卷組及良時無爲耽令名

雲中至日

去歲山川縉雲嶺今年雨雪白登臺可憐日至長爲客何意天涯數
舉杯城晚角聲通鴈塞關寒馬色上龍堆故園望斷江村裏愁說梅
花細細開

雲中客舍曹武備自津門以筐蟹銀魚見寄賦謝二首

千里三沽使傾筐異味傳霜螯初入手臘月更須憐重馬愁關吏香
杭憶野田江鄉好風物罷酒數歸年
水族殊鄉至明燈夜不孤雪花寒意減玉盃近看無反厭流匙滑宜
將剩酒沽遙憐垂釣客白首向江湖

贈周參政

周君北地推風雅幾載栖遲白門下四壁蕭然竟罷官知君亦是悠
悠者匹馬西來訪故人相逢師友更情親自言溽暑辭堂邑不覺辛
盤換早春春晴風日官齋迴翰墨于今數公等畫品真同顧愷工隸
書遠見鍾繇並貽我梅邊索句圖江南春思到平蕪蒼苔濁酒尋常
得冷蕊疎枝何處無紇干山高凍飛雀健步移來總蕭索不見黃須
細細開惟愁白雪紛紛落蘇武城邊送別遲桑乾河上已流澌遙將
南浦離人曲迸入西征橫笛詞憐君此去壺關道盍簪到處逢迎好
澤潞三時芳樹多江風五月歸帆早滄洲萬里憶田廬流水柴門今

尚虛卜鄰儻就移家約來共梅花溪上居

絕塞

絕塞衝寒起妖星逼歲除幾時離畢昴三見改蟾蜍我友官中禁憂
時獨上書謂楊給事雍正時上疏言彗星見宜修省由來天道遠垂象果何如

旃蒙大荒落

長歌行

糾糾葛屨行彼中達豈無轅馬登高則危解一姬姜誨淫吉士悼之赫

赫王侯竊鉤笑之解二羔羊之革可以禦冬狐貉雖温君子固窮解三誰

謂松柏微霜萎而誰謂風雨雞鳴已而解四芻蕘者謀先民所度志士

立言豈必好爵解五陟彼北山俯視崇丘千秋萬歲孰知我憂解六

短歌行

飲酒當醉拔劍當歌人生相知樂豈在多解一相彼中林枝葉猗儺巖

霜一至焜黃奈何解二飄飄寒風不知所屆豈曰無衣將子于邁解三鳴

鹿在圃載食其蒿男兒墮地惜無錢刀解四明星在天雨雪在野我思

故人泣數行下解五今夕不飲來日大難今者不樂來朝永歎解六

和朱十短歌行

嘉興 鄭珮 隨始

北風烈烈雨雪載塗我思禦冬旨蓄則無解一濯濯江湖曷取其魚

絲絲遠道曷策其車解二僕夫夙駕攬子之祛子無先路俟我城隅

解三尊有甘酒不在百觚俎有嘉肴不在兩楹解四子有苑囿當推我

居我有錢刀當念子需解五蜉蝣迫暮傳語蟪蛄今者不樂斯焉已

夫解六

鴈門關

南登鴈門道騁望勾注巔山岡鬱參錯石棧紛鉤連度嶺風漸微入

關寒未捐層冰如玉龍萬丈來蜿蜒飛光一相射我馬忽不前抗迹

懷古人千載誠多賢邽都守長城烽火靜居延劉琨發廣莫吟嘯扶

風篇偉哉廣與牧勇略天下傳時來英雄奮事去陵谷遷數子不可

期勞歌爲誰宣嗷嗷中澤鴻聆我慷慨言

觀獵

白狼堆近雪嵯峨風卷黃雲入塞多盡道打圍春更好夕陽飛騎兔
毛河

晚次寧縣

百戰樓煩地三春尙朔風雪飛寒食後城閉夕陽中行役身將老艱
難歲不同流移嗟鴈戶生計各西東

滹沱河

滹沱河上流澌急騎馬春冰滑可憐百尺浮橋空斷板孤城哀角動
荒煙愁顏送老飢寒日絕塞因人雨雪邊轉憶江鄉多樂事花濃齊
放五湖船

將次山陰墮馬傷足張明府

施大

枉顧逆旅餉酒賦謝二首

可怪乘船客今朝墮馬來半人宣武笑長路步兵哀地主逢傾蓋天

涯獨愛才淹留憐逆旅相餉竹根杯

果見軒車至倉皇啓夕扉亦知寬禮數強起著裳衣涕淚餘生在泥

塗萬事非遐方堅臥轍猶得藉光輝

留贈王沙縣

泰墳

四首

文端公家屏孫

黃閣先朝重清門絕塞存東山遺別墅丙舍有諸孫吳楚游能徧詩

書道自尊憑將飛蓋夕聯騎問詞源

墮馬愁方劇欣逢出戶迎人扶妨折足家遠竟全生翦韭當三月浮

杯及二更熟知舟楫趣款款話南征

先臣典禮日相國去官初各建留侯策同傳賈傅書

文端公以爭建儲去國至先文

恪掌大宗伯事章凡三十上得允

聽歌增慷慨話舊各欵獻俯仰悲身世相看計盡

疎

范甌萊蕪返王鳧葉縣歸飢寒仍不免子姓復何依挂壁蠲租詔張

羅款客扉由來被褐士萬慮與時違

將之晉陽留別包十二

銘

客程冰雪阻蕭關
蕙草芳時各未還
此去尙同千里月
相思知隔幾重山

七馬坊

積潦黃蒿外連岡
黑霧中轉愁人馬
滑真覺道塗窮
陶穴遺深井沙陀沒
故宮離程渺天末
九月斷征鴻

再度鴈門關

時聞舍弟彝鑒病卒

鴈門關北鴈初飛
萬里征人淚濕衣
回首秋風行已斷
天南消息到應稀

夢寐

夢寐看兒女
沉吟泣數行
他時嘗獨立
永日見相將
去動憐渠小
歸應共我長
雲山千萬里
誰道不思鄉

捕虎詞

黃桑彎弧棘作弩村民少長齊捕虎南山有鹿北有獐何爲馱我檻
下羊青天杲杲白日出橫行大道終懼殃君不見靈丘捕虎虎盡死
太原城中狼入市

晉祠唐太宗碑亭題壁

集杜

步屨深林晚春池賞不稀文章千古事社稷一戎衣野日荒荒白悲
風稍稍飛無由覩雄略寥落壯心違

宋烈女行

紅羅持作帕素練持作巾何必合衾幃始爲同心人宋氏有女典生
長蔚州之野西崖之山年紀十五餘許配千字村村民蘭州廝大義
結夫婦忽登泰山籙人壽不得久女方曬穀聞之聲悲哀長跪告父
母兒當從黃泉下信誓旦旦不可乖父母向女言尊章爾未事慎勿
捐形軀相保親子各各還室中涕淚終不止月正三十日其日二
十三白日從東來奄忽墮西南闔門夜無人女向空庭坐攬我素練

巾接彼紅羅帕徘徊寢室旁自挂中門下父母啓視哽咽不得言觀者四方至歎息日暮還童童崑嶠側乃有松柏林誰言寸草荻乃有松柏心

明妃曲

上林消息斷歸鴻記抱琵琶出漢宮紅頰近來憔悴盡春風更遜畫圖中

柔兆敦牂

臺駘廟

鳳鳥書官後鴻荒障澤年神功開白壤帝系出金天分野捫參次山川奠禹先按圖移岸谷紀遠昧星躔亂水汾洸別諸姬沈姒聯唐風誰始祀魯史至今傳簫鼓橫流散風沙急溜穿勢曾吞北漢潤亦被西邊壁馬黃河並雲旗玉井旋軒裳存想像憑弔一茫然

送趙三還永年

離堂卜夜且成歡酒盡休歌行路難四十逢時猶未晚看君騎馬入
長安

太原客舍同方三孝廉

育威

話舊二首

遠戍崔亭伯還家管幼安千金裘馬盡十載道塗寒華髮同雙鬢悲
歌感萬端平生蕭瑟意長鋏爲誰彈

舊業東山下曾經賭墅過飄搖秋雨後零落戰場多避地從人問誅
茅奈老何烏衣雙燕子留恨滿關河

龔百朋

自梗陽以詩見寄漫答二首

傳聞花縣客不異幔亭居

閩中張君汝瑚令
清源龔子館焉

旅興吟紅藥賓筵鱸白

魚仲宣懷土日司馬倦游初咫尺橫汾隔難尋下澤車

道重論交地書題把臂前相憐煩縞紵永好有詩篇多難休儒服他
鄉澀酒錢但期陽羨隱見日話歸田

七夕立秋王方伯

顯祚

席上和毛

會建

暑退林初暝，尊開露漸滋。客中憐夜集，天上果秋期。片葉辭風下，長河卷幔垂。莫教涼月盡，同和謝莊詩。

客夜

陽曲城頭烏夜啼，明燈深巷綠牕低。從教趙女工瑤瑟，不遣愁人醉似泥。

聞黃鶴樓成賦寄楚中一二知己

平生未鼓湘江柁，萬里投詩黃鶴樓。壯觀百年今在眼，異時獨上迴含愁。碧牕下湧樊山月，紅葉斜連鄂渚秋。爲報故人多釀酒，飛帆真作漢南遊。

寄酬譚七舍人兄

吉璉

陸二舍人弟

榮

客久憐書札，鄉遙感歲時。空淹雞鹿塞，遠隔鳳凰池。九月茱萸會，頻年雨雪詩。朝回逢陸弟，爲報日相思。

題錢宗伯

謙益

文集後

集社

四十一

海內文章伯周南太史公衣裳判白露門巷落青楓興與煙霞會人
今出處同白頭無籍在愁坐正書空

題倦圃圖二十首

叢筠徑

柴門西湖水深徑聞人語月出翠煙開相送乘舟去

積翠池

流水石橋東修篁蔽空曲獨吟橋上行縹渺衣帶綠

浮嵐

宿鷺拳沙石虛牕啓夕煙東西望南北蓮葉總田田

范湖草堂

松石閉門中芳菲蕙草叢春船迴夜月鰕菜幾時同

靜春菴

晴戶寫晴絲風花爛紅藥緬懷風中琴兼此花下酌

圓谷

山牆高下築中見林扉開相邀入空谷偶坐心悠哉

芳樹亭

獨石欹長臥空亭夜不扃春風平仲色相見幾回青

谿山真意軒

遠樹聞疎鐘夕陽上喬木相對忽忘言賞心在幽獨

容與橋

清淺水石間文魚散花嶼催客引流觴山橋更延佇

漱研泉

主人南粵歸獨載端溪石晝日二摩娑此意人不識

潛山

積雪開半林洩雲有膚寸會此靜者心潛藏本無悶

錦淙洞

錦淙洞

霜林吹石溜清響徧亭皋夜半愁風雨不知山月高

采山樓

高樓坐銷憂橋李亭西路夕照望千家春浮倚雙樹

狷谿

我本狂歌子却愛狷谿水滔滔天下人誰能洗其耳

金陀別館

舊識談經地巖扉靜不開秋深叢桂發金粟禮如來

聽雨齋

風吹石蘭花柔荑雨中長清夢入空山亂落紅泉響

橘田

瀟灑衡門下陽坡縱所如青霜猶未降先報右軍書

留真館

平生金石心一室千秋慮我亦問奇來徘徊不能去

澄懷閣

欲覽城南勝宜登池上樓煙波長在望不放五湖舟

春水宅

遠水浮橋直方塘入戶低東風楊柳樹吹綠草堂西

風吹口隨船行黃雨巾長試學人空山隱居以泉響

響雨聲上舍不聽對公言言賦心在無端

曝書亭集卷第六籍不開對對兼卦發金粟斷收來

金刻眼誰

舟本玳瑁子吐覺能喚水節節天下入籍清共其耳

主人身身辭錄錄端吳石置口二國得此其人又識

高對坐餘養新亭西絕之照望千來春我尚變樹

梁山對一層寸會此種善心看藏本無

霖林知百斷常響請亭舉對半愁風雨不映山月高

曝書亭集卷第七

秀水 朱彝尊 錫鬯

古今詩 六

強圉協洽

太原途中聯句四首

涓涓難老泉分流晉祠側曲周王顯祚湛求中有長生蘋冬夏同一色彝尊

三過朝陽洞一宿羽人居彝尊萬籟夜俱寂想見天地初顯祚高歡避暑宮聞在龍山下顯祚馬蹄不敢踏慮有香姜瓦彝尊一百二十六石柱刻作經彝尊會須挾風峪移置水邊亭顯祚

猛虎行

班班南山虎黃金環兩目獐鹿非不甘妄意食人肉 解一朝亦伏林間

暮亦伏林間將軍不敢射何況惡少年 解二東海殺黃公山嵎逐馮婦

牛哀導我前左飛踞我後三解下士捉虎尾上士持虎頭雄豪安可常

寢處託王侯四解

陳參議上年署中題畫五首

香醪小榼載吳船隔岸桃花湧石泉此樂江鄉常在眼披圖那不數

歸年

密樹雲根一徑開水亭風檻足淹洄最憐略約前谿好可惜無人載

酒來

岸柳山松壓翠微籬籬宛轉護柴扉主人且莫攤書坐看弄漁舟箇

箇歸

招提絕頂掩松關茅屋巖阿竹樹環恍憶昔游長至日滿衣風雪括

蒼山

水檻風亭八九椽叢筠秀木總堪憐炎天引我江湖興懊惱黃鸝白

玉鞭

戲效香奩體二十六韻

淥水橋橫度紅樓壁暗整軒牕開了鳥洞壑隱空嵌絕世歌難得同
生感至誠裁通心叩叩愛執手摻摻匳葉垂么鳳釵梁綬小蛾

禾中女子

有以織蛤簇蝶綴鬢花者

緗桃簪後放碧草鬪來芟淺黑鴉頭轆微黃杏子衫粉

融研麝和香潤避梅馱點筆能成陣聽詩便發凡聰明箋樣改放誕
酒籌監舊譜修簫史繁聲擘阮咸目因留客送語以解圍儻捕雀容
貓戲移花信鳥鷓繡闌鶯覘眈坐久燕沾誦鈿鏡清於水妝階白勝
瑊住須金作屋行卽錦爲帆鬱鬱亭前柳青青牕口杉回船同別鵠
去馬逐驚颿角枕千行淚蛾眉衆女讒車輪腸內轉石闕口中銜積
思凝瓊樹輕郵達蒞函犀文擣寒玉兔頰鬢秋篸益智忘留贈當歸
費遠緘神光渚離合夢雨峽嶄岳虎阜東西寺烏山上下巖當年並
游地悔不姓名覓

壽陳叟

繼新

城東小徑舊升堂五載京華鬢已蒼誰肯艱難全李燮未容名姓隱
韓康風帘花市春游健雲碓青精午飯香閨史佳辰須盡醉細論煙
水送歸艗

瓊華島

良嶽移花石離宮枕玉河年年御溝葉相送麴塵波

鳥石相傳金人自汴移此

朱碧山銀槎歌孫少宰席上賦

高堂宴客客未醉主人愛客期開顏羽觴玉爵詎足算勸我鑿落重
三緩槎枒老樹幾千歲霜皮崩剝枝柯刪陰崖自遭鬼斧劈積雨暗
齧苔紋斑尋源之使出想像高踞兩膝頂禿鬚觀其傲岸意獨得髣
髴歸自明河灣流傳河畔逢織女所恨尙少雙煙鬟劔中鄉衡入其
腹未解刀削何由彎傳之四座叫奇絕有如白鳥飛翾翾細看款識
刻至正問誰爲此朱碧山良工名盛心益苦顧茲毋乃經營艱主人
博搜金石文向我更話天曆間丹丘先生愛奇古命製芝菌如初攀

當時虞揭相獻酢是物亦得流人寰自從闖賊躡燕市大掠金帛仍
西還紛紛入肆尋鍛冶否亦道半委榛菅聞之不覺三歎息可憐雙
鰓今成鰓吾鄉藝事多絕倫奇巧不數古輸班張銅黃錫近乃出未
若此老技最嫺殊方促坐但酪酏莫遣酒醒懷鄉關

食半翅二首

賦物憐窮鳥營飛日幾迴遠依黃鼠穴低搶白龍堆不用深弓射恆
愁短翼摧年年隨凍雀重馬紇干來

味合添雜筍羹宜配凍醪登盤人未識入肆價須高且緩思鴉炙全
勝食雉膏莫愁嘗易盡讒鼎戒貪饕

食鐵脚二首

本與黃頭似羣傳鐵脚名網羅謀盡取膏火遽先烹凍免廚人割貧
貪市價輕物微憐最苦化蛤也爲羹

捕自愁雲外來從凍雪初體輕鶻鵠並骨脆鵲鴿如羹臠嘗兼得臠

胸法未書故鄉無爾輩只鱸玉鱸魚

著雍涪灘

人日同習孝廉

爾梅

紀處士

映鍾

陸處士

嘉淑

周處士

容

集

龔尙書

鼎莘

齋中得人字

汾東代北三千里惆悵花前四度春江左文章公等在燕臺風物客

愁新牋題薛訪誇車子

時命三歌童行酒

歌許荆卿和酒人不是尙書期我

數天涯淒斷此佳辰

落日

落日銜西嶺驚沙卷北風今年春已半猶有未歸鴻

題高六柘塘移居圖二首

伍員吹簫市韓信垂釣臺昔賢曾混跡之子亦多才落月搖鄉樹清

淮上酒杯誅茅二徑在高詠日悠哉

草綠連隋苑花飛憶楚州人閒從散帙客至許登樓自卜羅含宅頻

移范蠡舟看君圖畫意轉益故鄉愁

中秋待月和劉興詩

高館清秋會愁陰悵望中當歌延夕漏卷幔颯天風玉葉翻雲細金波落酒紅殊方寒思早甘作鹿皮翁

華不注

仙梵開初地春秋識舊名青蓮齊吐萼石筍獨抽萌泉憶邊庭實居連許殿卿淒涼懷舊意驅馬入荒城

自沂水至大峴山作

征衣莫浣淚痕斑五載辭家尙未還目送燕鴻南去盡計程翻度穆陵關

濰水弔韓淮陰

淮陰師十萬曾此擊龍且廢壘人猶識囊沙水漸淤生慚諸將伍史

並列侯書千載烏江廟君臣反不如烏江項王廟以范增龍且配食

寄錢二 枋

我登魯連臺君入淮陰市不知千黃金何人酬國士

濟南除夕

五載論除夕依然滯異鄉逃名成白髮歸計復青陽
檝馬喧何事燈花喜太忙故園遺弟妹相憶或停觴

屠維作噩

鄒縣謁孟子廟二首

井地連滕壤詩書近孔門世儒多橫議夫子獨知言
楊墨歸斯受齊梁道自尊巖巖留氣象千載肅心魂

壞道殘碑臥祠官異代虔爵班公一位里紀母三遷叢木冬春冷風
燈卒史懸空令布衣士瞻拜獨淒然

曲阜晚眺同劉中丞

徑轉通油幕林深護石苔夕陽新雨過春杏舊壇開入廟車猶在看

碑日幾迴東城寒食近不上鬪雞臺

和朱十韻

宛平

劉芳躅

增美

孔庭釋菜後攜客步莓苔犧象湯孫徹金絲魯殿開牲碑工拓就
蒼草馬馱回媿少春秋癖言旋罷講臺

地軸

地軸連年震沂州接莒州春農千里旱野哭萬家愁鴻鴈驚難定蛟
龍鬪未休更聞城郭外蜃氣接層樓

飲歷下亭泛舟蓮子湖作二首

濟水來王屋源泉處處清自從湖口入不復地中行柳岸鳴蟬急荷
風浴鳥輕江南歸思緩髣髴擢歌聲
海右亭仍在城隅路不賒竹深池館靜山轉柁樓斜小隊千行柳行
廚五色瓜未愁霑席雨歸擢豁晴霞

長城堡皇姑寺

皇姑正統間尼曾入大內諫止土木之行

十室長城堡皇姑迹未湮偶然朝鳳闕不惜撼龍鱗北伐回轅後中
宮感夢頻荒祠巫覡在猶見舞冬春

度駱馬湖

自從前度黃河決董口填淤駱馬過夫柳至今喧里巷客帆終覺厭
風波東南民力愁先竭西北源泉棄尚多安得歲星長守越年年輓
粟上盤渦

淮南感事

城樓高見碧湖懸淮堰將傾近百年比歲凶荒耕未得向來修築計
誰先預愁四瀆江河合直恐三吳財賦捐開濟何人輸上策升虛急
誦楚宮篇

秋日登胥山

秋水日以駛彝尊輕船泛清澄周貧青士流沿轉紆曲沈傳弓武功
權急黏菰蔞彝尊仄峯尚阻樹篔簹近寺俄飛棧傳弓窅窅梵磬出彝

尊鱗鱗波雲興箕流目訝突兀傳弓賞心闕峻嶒彝尊舟維臥柳渡
箕道失寒瓜滕傳弓誰言崕嶠微彝尊曲磴緣百層箕碣殘蘚欲剝
傳弓祠古藤交緮彝尊緬懷大夫節箕千秋痛填膺傳弓覆楚豈大
義彝尊忠孝不兩能箕飲泣蘆中獻傳弓悲歌河上朋彝尊當其取
已雪箕屬鏤非所矜傳弓慨此空山中彝尊遺跡猶可徵箕刃截兩
白石傳弓指點由孤僧彝尊其旁臥石劍箕霜色長侵陵傳弓皜如
鋪練帶彝尊亘若橫丹秤箕又如常山蛇傳弓首尾相爲應彝尊觀
其氣怒激箕毋乃神式憑傳弓尙想鞭荆尸彝尊壯士心摧崩箕至
今祠下水傳弓猶作胥江稱彝尊吾徒久于役箕遠攬岱與恆傳弓
顧茲百里內彝尊屐齒游未曾箕故鄉洵足慕傳弓高興偶此乘彝
尊寄言同心客箕暇日期重登傳弓

風懷二百韻

樂府傳西曲佳人自北方問年愁豕誤降日叶蛇祥巧笑元名壽妍

娥合喚嫦次三蔣侯姝第一漢宮嬙鐵撥爛諸調雲璈按八琅琴能
師賀若字解辨凡將弱絮吟偏敏蠻牋擘最強居連朱雀巷里是碧
雞坊偶作新巢燕何心做笱魴連江馳羽檄盡室隱村牕縮髻辭高
閣推篷倚峭檣蛾眉新出繭鶯舌漸抽簧慧比馮雙禮嬌同左蕙芳
歡悰翻震蕩密坐益徬徨板屋叢叢樹溪田稜稜薑垂簾遮雁戶下
榻礙蠶房店鬼同時逐祆神各自襍亂離無樂土漂轉又橫塘阜散
千條莢紅飄一丈薈重關于盼盼虛牖李當當鳳子裙纖褶鴉頭韞
淺幫倦猶停午睡暇便踏春陽雨濕鞦韆索泥融碌碡場胃絲捎蟻
蠓拒斧折螳螂側徑循莎薦微行避麥蘄浣紗宜在石挑菜每登吭
蘿薦情方狎萑苻勢忽猖探丸搜保社結侶竄茅篁庶改梁鴻賃機
仍織女襄疎櫺安鏡檻斜桷頓書倉路豈三橋阻屏還六扇僖弓弓
聽點屐了了見縫裳夙擬韓童配新來卓女孀縞衣添綽約星靨婉
清揚芸帙恆留篋蘭膏慣射芒長筵分潑散復帳捉迷藏匿貯芙蓉

粉萁煎豆蔻湯消盤潛浴宓鄰壁暗闕匡苑裏囀由鹿藩邊喻觸羊
末因通叩叩祇自覺佺佺孟里經三徙樊樓又一廂漸於牙尺近莫
避竈觚煬題筆銀鉤在當牕繡袂颺有時還邂逅何苦太周防令節
矜元夕珍亭溢看場鬧蛾爭入市響屨獨循廊棖觸釵先溜簷昏燭
未將徑思乘窘步梯已上初桄

大智度論譬如緣梯從一初桄而上

莫縮同心結停斟

冰齒漿月難中夜墮羅枉北山張冰下人能語雲中雀待翔青綾催
製被黃竹喚成箱玉詫何年種珠看滿斛量綵幡搖婀娜漆管韻清
鏘白鷓來簫史斑駘駕陸郎徒然隨畫艦不分上華堂紫葛牽駝架
青泥濕馬柳枇杷攢瑣瑣柳蔭牂牁金屋深如此璇宮思未央朝
霞凝遠岫春渚得歸艖古渡迎桃葉長堤送窈孃翠微晴歷歷綠漲
遠汪汪日影中峯塔潮音大士洋尋幽雖約伴過涉乃須叩澹墨衫
何薄輕紈扇屢障心憐明豔絕目奈冶游狂纜解青絲紉茵鋪白篔
簹回波吟栲栳鳴櫓入菰蔣竹筍重重籜茶牙段段槍甘菹翻舊譜

活火試頭綱榼易傾鸚鵡裘拚典驪驕曉醒消芳蔗寒具析餠餽已
共吳船凭兼邀漢珮纏瘦應憐骨出嫌勿避形相樓下兜衾臥闌邊
拭淚妝便思蛩負蟹竊擬鳳求凰兩美誠難合單情不可詳計程衝
瘴癘回首限城隍紅豆憑誰寄瑤華黯自傷家人卜歸妹行子夢高
唐杜宇催歸數芻尼送喜忙同移三畝宅並載五湖航院落蚪簷月
階流兔杵霜池清彫菡萏垣古繚篔簹乍執摻摻手彌迴寸寸腸背
人來冉冉喚坐走佯佯鬢臂盟言覆搖情漏刻長已教除寶釧親爲
解明璫領愛蝤螯滑肌嫌蜥蜴妨梅陰雖結子瓜字尙含瓢捉搦非
無曲溫柔信有鄉真成驚蛟蝶甘作野鴛鴦暫別猶凝睇兼旬遽病
疴曆頭逢臘盡野外祝年穰忽枉椒花頌來浮柏子觴亮因微觸會
肯負好時光鑪亟薰鳧藻卮須引鶴吭象梳收髭墮犀角鎮心恇滅
燄餘殘炧更衣挂短桁簪挑金了烏臼轉木蒼根納履氍毹底褰幃
罨巖旁綺衾容並覆皓腕或先攘暮暮山行雨朝朝日照梁含嬌由

半醉喚起或三商連理緣枝葉于飛任頡頏燒燈看傀儡出隊舞跳
跟但致千金笑何妨百戲償偶然閒院落隨意發縑緗竹葉符教佩
留藤醬與嘗硯明鸚鵡眼香鮑鷓鴣肪日以娑拖永時乘嬾婉良本
來通碧漢原不限紅牆天定從人欲兵傳迫海疆爲園依錦里相宅
夾清漳奪織機中素看春石上梁茗爐寒說餅芋火夜然糠唐突邀
行酒勾留信裹糧比肩吳下陸偷嫁汝南王畫舫連晨夕歌臺雜雨
暘旋娟能妙舞簪姐本名倡記曲由來擅催歸且未遑風占花信改
暑待露華瀼蓄意教丸藥含辛爲吮瘡賦情憐宋玉經義問毛萇芍
藥將離草靡蕪贈遠香潮平江截葦亭古岸多樟鏡水明於鏡湘湖
曲似湘加餐稠疊語濃墨十三行約指連環脫茸絲柏複裝急如蟲
近火躁甚蟹將糖理櫂迴青翰驂駒驟玉環寧期共命鳥遽化逆毛
鷓寄恨遺卷髮題緘屬小臧憤奚殊蔡琰悔嫁失王昌作事逢張角
無成種董節流年憎祿命美疢中膀胱手自調羹臙衣還借襦襟口

脂勻面罷眉語背人剛力弱橫陳易行遲小膽性留仙裙盡皺墮馬
鬢交鬟不寐屏重闢巡簷戶暗塘風微翻蝙蝠燭至歇蛩螢霧漸迷
三里星仍隔五潢輕帆先下雪歧路誤投杭九日登高閣崇朝舍上

庠者回成偏側此去太愴惶亂水逾浮玉連峯度栝蒼惡溪憎詘屈
盤嶼苦低昂地軸何能縮天台詎易望重過花貼勝相見訪停軒射
雉須登隴木魚別有枋笆籬六枳近練浦一舟盪烏白遮村屋青蘋

冒野淖洛靈潛拾翠蠶妾未登桑驟喜佳期定寧愁下女僮緜英經

夜合珍木入宵炕

爾雅守宮槐
葉晝聶宵炕

啓牖冰紗綠開奩粉拂黃話讒分款

曲見乃道勝常卽事憐聰慧那教別慨慷竭來要漢艾塊獨泛沙棠
送遠歌三疊銷魂賦一章兜鞵投暗室卷箔指昏亢命續同功縷杯
餘九節菖截筒包益智消食餉檳榔膠合黏鸞鳥丸堅抱蛭蜨歡難
今夜足憂且暫時忘本擬成翁嫗無端失比伉睫邊惟有淚心上豈
無盍鉞管徐抽綫闌灰淺涑幌毫尖渲畫筆肘後付香囊訣絕分溝

水纏絲解佩璜但思篙櫓折莫繫驕驄韁帷帳辭秦淑音塵感謝莊
豈無同宿鴈終類失羣顰衛黥頻開匣秦衣忍用样炆蒸鄉夢短雪
卷朔風零絕塞緣蠟蟪叢祠弔好妨刀環歸未得軌革兆難彰客乍
來金鳳書猶報白狼百憂成結轡一病在膏肓峽裏瑤姬遠風前少
女殃款冬殊紫蔓厄閨等黃楊定苦遭謠詠憑誰解迭邊樸先爲檀
斫李果代桃僵口似銜碑闕腸同割劍鏗返魂無術士團土少媧皇
翦紙招南國輸錢葬北邙春秋鷓蟀換來往鸞鳩搶油壁香車路紅
心宿草岡崔徽風貌在蘇小墓門荒側想營齋奠無聊檢笥筐方花
餘莞蕝文瓦失香姜扇憾芳姿遣環悲柰女亡玉簫迷處所錦瑟最
淒涼束竹攢心曲棲塵眯眼眶轉添詞悵悵莫制淚浪浪幔卷紉空
疊鈴淋雨正缺情深繁主簿癡絕顧長康永逝文悽戾冥通事渺茫
感甄遺故物怕見合歡牀

上章闈茂

寄懷李因篤

鴈門北上忽西還未得相逢一解顏
傳道全家依渭曲幾時匹馬出潼關
樽前舊事憑誰說篋裏新詩待爾刪
三載齊東留滯日愁看李白讀書山

送謝燦入燕

記昔別君時太原風雨梁公祠
五年不一見顏色竭來濟上樽重持
勞人相顧徒草草白髮青燈且傾倒
歷下亭前柳滿汀塵沙又走長安道
人生聚散絕可憐吾將歸種梅溪田
夏蓋山南湖水北扁舟期我知何年

同紀處士

映鍾

杜太史

鎮

譚舍人兄

吉聰

集孫侍郎

承澤

研

山齋四首

勝序愁初豁高齋近許過
圖書留客少花藥閉門多
興每耽丘壑衣從挂薜蘿
千秋論述作出處本同科

啓事東曹後名山歲月深論文半縫掖真樂在抽簪遽有忘年約虛
陪作者林寥寥知己語一一感人心

野趣行無次林棲坐不辭書看金薤出杯喜竹根持戶牖分今古朋

游隔歲時齊東回首望最憶虎頭癡

謂顧子
炎武也

改席塵逾遠看花徑轉幽猶存漢金石不廢晉陽秋客已呼沉醉誰
當續後游六街分手緩歸騎夕陽流

九日集刺梅園松下送譚七舍人之官延安四十韻

秋氣薄林木南海程可則周量蕭條鴻鴈天他鄉仍令節彝尊高會
敞離筵客盡東南美華亭高層雲二鮑情因去住懸黃花分漢苑長
洲申穰菽蒴綠酒自吳船繫馬斜陽裏嘉興李良年武曾班荆古樹
前枝撐寒雪厚山陰沈胤范康臣榦走老龍纏空翠垂垂落江都汪
懋麟季角層陰的的圓旅懷長戀此嘉興譚吉璉舟石幽興豈徒然
歲月風塵換可則川涂夢寐牽相逢曾幾日彝尊回首憶當年慷慨

荆軻筑層雲飛揚祖逖鞭一官乘絕障嵇雙闕動行旂入維名元重
良年臨關汝最賢蒲桃隨馬至胤范鸚鵡得人憐地險榆爲塞懋麟
原荒鹵作田由來秦上郡吉聰遠接漢居延百戰山河舊可則單車
騎吹闐自應思魏尙彝尊那復羨張騫美政知無敵層雲雄文孰與
傳龍山爭繾綣懋鳳閣尙留連勝事歸圖畫良年長歌當管絃江淹
魂已黯胤范顧愷技誰先銀燭燒林黑懋麟金盤滷露鮮霜螯充海
族吉聰香橘摘江煙麴米封鱗細可則莧房壓鬢偏幾忘身是客彝
尊恰笑口流涎俊味還稠疊層雲深杯莫棄捐劇談逾袞袞屢舞
各僊僊聚散時難定良年交親志肯遷彈冠新得路胤范簪筆舊隨
肩作吏今行矣懋麟專城敢任焉瘡痍何術起吉聰井邑幾家全不
問金如粟可則寧論酒是泉徵書黃霸續彝尊擁傳馬卿旋但遣心
期在層雲無愁後會愆河流千尺練懋月挂九秋弦坐久頻催漏良
年衣輕更著緜祇緣詩錄別胤范遂使夜忘眠長短青門柳懋麟崢

嶮華嶽蓮來朝一揮手吉璉惆悵隔幽燕可則

題譚漢畫山水送譚七舍人兄三首

舍人佐郡出京華馬後圖書載五車欲上恆山最高頂自馴白鹿飯
松花

大漠霜流磧草枯鄆筒蘆酒急須沽雲中西去黃河曲未必山川似
畫圖

桑乾九月未成橋想像關榆葉盡凋曾向鴈門三度宿人家歷歷在
山椒

壽徐侍讀元文

紫籟雲霄迴彝尊金門雨露偏羣公爭獻納李良年之子信才賢甲
第烏衣盛彝尊家聲鳳沼沿堂看遺笏在良年經憶過庭傳儒雅矜
當代彝尊飛騰數妙年九重書第一良年三策對無前饌出仙廚美
彝尊袍分獸錦鮮上陽芸是閣良年中禁木爲天苑柳晴相映彝尊

宮鶯歲屢遷星軺馳漢節良年驛路入秦川得士皆殊絕彝尊難兄

編修
乾學

更接聯遙聞臚唱日良年正值使車旋兩到須迴轍彝尊雙丁

足比肩把文同謝舅良年

謂顧子
炎武

染翰失張顛賓至交珠履彝尊朝

回並玉鞭連枝真不易良年初度乃居先南斗神仙錄彝尊西清侍

從員黑頭誰得似良年青眼獨依然歷下尋山屐彝尊江干載酒船

因人慚入洛良年結客重投燕不謂迎縫掖彝尊翻教起晝眠茱萸

猶結佩良年醞醪此開筵瓊進岷山玉花明祕省甄彝尊函歌應可

續良年比調有新篇彝尊

酬潘耒

燕京秋九月雨雪紛紛濳濳初晴出戶去延望西山崖薄衣先苦寒炙

背返荆柴晚聞僮僕語有客叩吾齋新詩題紈扇留贈出中懷臨風

百過誦音響一何佳泠泠朱絃瑟調必宮商諧壯哉四方志獨擢浮

江淮傷禽戢羽翼鳴鹿求其濟河東衛先生

簡討
既齊

埽室道南街希音

辨元始望古窮津涯同聲一相應衆說誠可排爾雅及三倉豪髮未
嘗乖伊余去鄉國萬里做青鞵媿乏洛生詠徒觀泰山紫萐玉聞琳
瑯披雲豁塵霾譬彼同岑草所惜在根荄願貞歲寒期笠笠行相偕

贈朱十

吳江潘 未次耕

天台拔羣峯東壁輝列宿南州威衣冠之子爲領袖傑然雲霄姿
大廈資結構匏瓜悲天懸井渫惻寒螿間爲蘇門嘯善作伶倫奏
大雅還初元風騷獨馳驟峨峨春明門英賢畢來輟高齋埽晴雪
玉山驚邂逅聞游泰岱還應宿天門岫日輪湧博桑幾時割昏晝
僕本同岑人折麻欣有舊才非士龍奇齒是公明幼偶然弔燕昭
金臺暫停留方辦五嶽裝青精煮糧糗何日相提攜蓮峯掇三秀

壽申檢討

涵盼

東山零雨別不見忽三年再作京華客重逢獻壽筵歲星方朔並午
夜望舒圓滿把黃花酒函歌九月篇

慈仁寺夜歸同李十九良年對雪兼有結鄰之約

暝色辭沙界蓬門更埽除數錢燈下酒入饌雪前魚遠作比鄰約相連水竹居扁舟當此夜來往意何如

孫少宰蟄室觀吳季子劍四十韻

窮冬蟄室寒重局晝飛雪嘉興李良年武曾役車雖已休客子遠相挈彝尊蕭然主人意示我太古鐵吳江潘耒次耕黯淡四座光模糊百夫血上海蔡湘竹濤精氣所結聚入手詎敢褻良年摩挲讀遺銘千春字不涅彝尊始知延陵佩曾挂徐君碣耒金碧爭毫芒雨風助嗚咽湘歲久蠟就頽中作黍米缺良年段冶難為良青白氣先竭彝尊首廣信參分身重裁七錡耒丸丸初莖長衍衍漸後設湘制類銅虎符質並蒼水玦良年其文雜蟲魚其體蔓瓜瓞彝尊蜿蜒蛟螭纏錯落星宿列耒當其鑄始成見者皆骨裂湘洪鐘無聲拂堅玉應手切良年拭用華土良淬以江水冽彝尊一充君子服遂使雌雄別耒

神靈相護持鬼物盡蹙湘試宜借諸離相必經歐薛良年適楚羞
湛盧制越定姑蔑彝尊神物不虛歸抗首想前哲未紛紜春季推
刃相篡竊湘何爲藐千乘脫屣意不屑良年遠繼讓王風近慕子臧
節彝尊投分寄縞帶達音在樂闋未寸心義所要存沒傷中訣湘留
贈物則微高誼泉壤徹良年古樹風蕭蕭下爲狐兔穴彝尊何期陵
谷變土花未云齧未依然出人間百代共傳閱湘題字勘孔碑裝炭
談越絕良年接未驚窮猿干霄飲雌蜺彝尊雄思控峒倚利想犀兕
截未是物洵希有寧許膜眼別湘博物賴張華造書辨臣頡良年豈
爲馮生彈聊效莊叟呶彝尊感我壯士懷慨慷中腸熱未持之祓不
祥可以當桃茱湘

雪牕

寒威凌夾牕夜色不可揜彝尊初疑弦月駐載驚鄰燭燄蔡湘漏鼓
凍欲沉荒雞號已漸彝尊攬衣訝手皸出戶怯風颭湘朔氣何稜稜

同雲猶淄淄，彝尊飢鷹距。未擊卓雀羽，齊斂湘老樹。壓更高遙岑，明復睽彝尊。灑壑渴冰泉，浮空露仄仄。湘僧閒梵未，放磴滑樵愈。險彝尊，恍若玉井峯。蓮花冠郊陝，湘中田從射兔。北園宜載獫狁，彝尊銚冷生濕煙。草枯覆叢蘄，湘近須爐火。圍遠愛酒旗，閃彝尊就市沽。芳馨傳杯瀉，瀲灩湘元叔。囊垂空平仲，豆猶掩彝尊。旅思話歸吳，扁舟懷入剡。湘束薪硯初，炙斐几。翰斯染彝尊形，兼洛陽臥跡。異昌黎貶湘撒鹽，擬詎工授簡。賦何詔彝尊，郢曲有和歌。殊鄉聊自慊湘。

雪中過程五倉部同李十九蔡大賦二首

長安風雪後，歌舞閉門重。客子誰能記，倉曹獨許逢。牕寒留炙硯，日暝坐聞鐘。更約尋香閣，西山對曉峯。

令子趨庭早，深杯勸客揮。愛看如意舞，判倒接羅歸。易酒行無算，吳鹽撒漸稀。憑將紅燭淚，試作鳳凰飛。

壽何侍御

元英

東閣寒梅放西山霽色澄騷人日初度朋酒歲相仍頌魯期難老歌
函信有徵名先柱下史官亞殿中丞禮自猶龍擅謠聽避馬曾城南
瞻斗極薊北凜霜稜敢諫虞箴在籌時國寶增文宜蠲瑣細弊力埽
榛芳水旱謀誠切徵輸法可承廟廊需至理駟駿必深懲疇昔雙龍
闕逶迤四牡乘桂林銜羽節勾漏問丹秤嶺外收區冊舟中慕李膺
含香持國計聚米佐軍興允矣質喉舌良哉寄股肱人倫誰比似意
氣益飛騰八顧三君並千金一諾憑聯詩過沈范愛客邁春陵勝日
交珠履高齋冒紫藤對門深徑轉開閣小山層畫得滄洲趣書傳草
聖能連蜷師衛蠱妙麗奪曹蠅籤帙縱橫列爐煙遠近蒸庭閒看玉
樹道重比朱繩謬喜枌榆託相親色笑恆一行來獻兕萬里此羸滕
月尚今年滿觴同舊里稱頌椒春序近懷核舞筵登青眼人人識朱
顏歲歲凝不辭五雲裏長對九枝燈

曝書亭集卷第七

一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

曝書亭集卷第八

秀水 朱彝尊 錫鬯

古今詩 七

重光大淵獻

立春日同李十九飲孫少宰蟄室有懷曹侍郎在里

七度辛盤會他鄉歲歲殊未知今夕讌得與故人俱舞鶴喧庭榭飛
花灑畫圖因懷鉏菜叟萬里隔春蕪

西山書所見

斜陽猶未鎖松筠雪後風清石路塵莫笑游人今歲早馬頭山店已
燒春

同作

上海 蔡湘 竹濤

中官墳墓碧雲齊樵客東風飲恨啼故向黃茅遺爨火亂山燒過
夕陽西

臥佛寺

路入晴雲北山敲臥佛前津梁疲已甚土木意能傳夜續林中磬春
流枕外泉長安車馬客輸爾只高眠

題退谷

退翁愛退谷未老先抽簪行藥亂峯路築亭雙樹林閒中春酒榼靜
裏山泉音滿目市朝貴何人期此心

來青軒

天書稠疊此山亭往事猶傳翠輦經莫倚危欄頻北望十三陵樹幾
曾青

鮑家寺白松歌

鮑家寺中九白松扶疎宛似桂之樹密葉陰連古殿寒霜皮晝偃盤
根互我來繫馬風泠然入門四顧喜欲顛巢敲迴見鶴鶴坐榦老不
數蛟龍纏長廊飯僧僧未至松子松花飄滿地半嶺平銜夕照曛雙

林遠勝春浮翠其餘四株皆可娛矯矯離立空牆隅枝柯雖殊無異
色知是歲寒霜雪俱山僧怪我摩挲久茗罍簾前一招手此樹今來
二百年間余歲月能知否

同作

蔡湘

巖下石門苔蘚重早春已發花茸茸晚風吹墮一黃鶴棲在月明
何處松

玉泉山下別瞻公

石橋風泠泠夕曛斷崖口回指翠微深山僧此分手

贈歌者陳麟二首

樂府新傳夜度孃吳衫白紵越羅裳愁看玉面燈前出笑問銀鈎若
箇藏

千鍾已分醉如泥授色留賓曲轉低想像天河猶未落長鳴不聽汝
南雞

贈冒嘉德二首

我昔齊東住君來歷下游
客亭無奈別樽酒未言愁
暑雨城西寺高林棗外樓
醉歌今始得同調日相求

盡說移居好投詩給事莊
松筠深不見丘壑興何長
夜燭攤書坐春醪並馬嘗
追隨吾更數知愛接輿狂

何侍御

元英

招同高上舍

層雲士奇

繆處士

承謀

趙舍人

隨

鄭舍人

宣

飲刺梅園松下四首

禁煙高詠遍龍潭未得同游
祇自慚小榼春風攜最好
又騎驄馬到城南

客來隨意但圍碁細草空園
席屢移憶過松陰二度醉
未如此會恰花時

吾家池上雙槐好此樹連蜷
想像間最喜諸公盡吳語
一時把酒話

鄉關

離筵九日記曾開送客西征上郡隈正向樽前論往事不知天外一

書來

庚戌九日集此送譚七郡丞兄是日適得榆林來札

周郡丞

令樹

遷太原守詩以送之兼懷傅處士

山

五馬西歸日銅符領晉陽川臨濠澶近山轉崑崙長童子爭驂篠邦人尚詠棠憑君尋傳叟暇即過松莊

將出都門曹舍人

貞吉

黃舍人

仍緒

沈舍人

胤范

喬舍人

萊

曹舍人

禾汪舍人

懋麟

招同高上舍

層雲

李秀才

良年

賦詩

贈行口占留別

鳳池才子各翩翩攜客城南釀酒錢滿眼鶯花無奈別河梁愁思復今年

和程

邃

龍尾硯歌為方侍御

亨咸

作即送其入粵

硯有辛卯米芾四字

印舊藏黃公道周家

龍眠柱史饒硯癖篋藏龍尾開深窪雀臺古瓦詎比數石未未許青

州誇黝如純漆久欲脫粹若水玉堅新剗中央私印尙可識流傳乃
自元章家騷人生年記辛卯初度肇錫名何嘉十椽彙開見八八兩
已相背無瓜邪當其片石始入手重之豈易黃金車雲峯模糊潑急
雨雪繭天矯騰修蛇東都淪後內庫發重寶散失同紛麻赤瑚玉英
半缺折物理所貴韜其華流傳迄今六百載山骨完好無纖瑕黃公
昔年在漳浦以此注易緯蒼牙嗚呼聚散勢所必精靈呵護靡幽遐
房融有硯譯梵字遺蹟尙爾矜僧伽平公巨璞本光滑少陵野老猶
咨嗟況茲貞質世鮮兩宜爲有識羣高奢前歸大滌後龐谷顛人地
下應唵呀黃海布衣嗜奇最吟成古調毆淫哇盤空硬語難驟讀詩
膽直欲凌劉又謂余吾歌子當和答云四座且莫譁我昔南游度大
庾羚羊峽口戈船划手披煙液入巖穴礪磴硤圍周遮石紋蘊秀
各異狀就中最美數青花有時精氣凝作眼碧者鸚鵡黃者鴉火輪
奔處界微白宛似蕉葉抽春芽其餘瑣細盡當辨黃龍翠羽兼丹砂

爭如此石鐵色古稜角漸去成礮礮柱史聞之忽狂叫便欲五嶺探
雲霞隋隄三月送君去柳絲藤蔓何甃筆黯然消魂萬里別長言不
覺肆滂葩

賦得官柳送人自濟入燕

官路垂楊柳春風處處青遙憐煙雨色何限短長亭送子燕臺去還
從歷下經七橋明月夜繫纜有荷汀

紅橋

春蕪小雨滿城隈茅屋疎籬兩岸開行到紅橋轉深曲綠楊如薺酒
船來

題何氏書樓

屢醉齊東酒曾開薊北書林泉尋舊好瀟灑勝吾廬簾額仍通燕堂
坳亦有魚蘭成擅詞賦宜作小園居

早

水潦江淮久今年復旱荒翻風無石燕蔽野有飛蝗桎梏懲屠釣槽
巢迫死亡虛煩乘傳使曾發海陵倉

送越孝廉闡入楚兼作廬山之游

蕪城相見惜蹉跎又送雲帆楚澤過九疊屏風何處好三湘芳草至
今多尋山應得逢匡俗作賦還看壓景瑤準擬歸來秋月滿樽前同
聽大堤歌

逢周侍郎亮工二首

悵別西湖曲重逢又十年艱難增旅話傾倒共詩篇春遠仍題扇江
寒未放船甘棠留召伯聽取舊歌絃侍郎會觀
察揚州

阿戎頻問訊公子在浚燕晉兩鄉俱道已廿二黜家從泛五湖登臨山屐
在存沒酒人殊感王猷定胡介諸舊游也白髮明燈裏飛揚不可無

酬彭師度三首

燕郊春雨灑塵輕我唱驪駒子送行回憶酒人天外隔不知舟楫下

蕪城

艾家橋北論文日回首星霜十九年祇向天涯相送老新詩讀罷一
淒然

竹西酒市接平山燈下妖姬十八鬢留取霜紈調錦瑟紅橋一曲送
君還

送柯大

崇樸

還里兼寄周

質

渡淮三月滯江都送爾歸尋舊酒徒十幅蒲帆鄉樹杪夜船聽雨到
南湖

送葉上舍

舒崇

之睢陽

昔游同鼓山陰權我年方壯君尙少紅妝隔座送藏鬪君醉宵眠我
狂叫江湖轉眼遽離羣東尋百越西三雲幾回落拓來燕市秋草金
臺共夕曛君今三十猶貧賤吳楚山川遠游遍天涯聚散二十年鄉
里何曾一相見酒人燕市愛君詩置酒邀君必我期城東城西夜漏

珍做宋版印

午呼僮僕被恆相隨謂當同醉椒花酒夜雨新年翦新韭豈意驪駒
忽在門贈行不待春楊柳黃塵千里盧溝橋朔雲慘淡風蕭條短衣
匹馬睢陽去正值梁園雨雪飄平臺滿目皆狐兔對雪相如可重賦
若見當壚勸酒人也應憶我長安路

譚孝廉十一兄瑄歸自楚粵訪予維揚喜成二首兼懷郡丞

七兄吉聰在榆林

鄉園十載隔相對總殊方髮短愁先鑷杯深喜益狂寒梅探庾嶺秋
草下潞陽未暇歸三徑明燈話射堂

柳岸舟同汎蕪城草乍班望衡曾九面夢雨得雙鬟車騎將休汝榆
林欲度關雕蟲何足尚辛苦羨名山

十月邊城路曾傳上郡鴻弟兄三歲別夢寐幾人同望遠平山隔懷
歸舊業空回思童穉日誰料各西東

雪霽同周儀部襄緒對酒康山二首

一簣城隅出千家雪後勻江湖談往事絲竹老斯人謂對山也不厭尋幽
晚惟應對酒頻寒梅意蕭瑟想見武功春

樽前橫蜀嶺鳥下起吳歌繫馬從星使憑軒覽漕河雪深花尚發風
急鴈翻多有約江春到行廚次第過

玄默困敦

題竹垞壁

買斷竹垞將四載園林新筍未經嘗今來散帙時初夏忽見抽梢喜
欲狂背市有人酤濁酒南鄰許我借匡牀江村臥穩真堪樂愁說燕
雲射獵場

雨度仙霞嶺三首

縹緲江郎石朝來竟不分客愁偏暑雨祠古但寒雲小市兵戈盡飛
泉下上聞泥塗雖自苦暫喜遠人羣

岸缺人猶度橋迴徑轉偏古苔緣樹上密竹聚峯圓白袷晴還濕青

鞦韆暮屢穿笑看茅屋近編筏渡溪煙

仙霞高不極半嶺一雲平倚杖驚吾老攀崖羨客行經心蒼蘚滑照
眼白花明回首楓林暮先秋葉自鳴

題福州林秀才竹亭

道南移宅後蕭瑟草堂貧尚有孤亭在堪歌伐木詩翠兼梧下竹黃
圻圃中葵最愛涼風滿無煩羽扇持

泰安道中曉霧

苦霧滴成雨平林翳作峯不知巖際寺恰送馬頭鐘汶水已爭渡泰
山猶未逢忽驚初日躍遠近碧芙蓉

重陽前一日沈

暎日鮑夔生

載酒柯氏園亭同諸子分賦兼

感舊游成二十韻

水竹通三徑星霜隔幾年悲歌同調續秋色異鄉先葉落交簷樹雲
寒欲雨天解鞍嘶騎擁載酒麴車連席嚮西南上杯行少長前從容

寬禮數傾倒迭詩篇楚舞何相似秦風亦有焉吟看吳會並交取性
情便二子真同好相期幸未愆臨池良不厭舍坐屢教遷破帽垂垂
落疎簾處處懸籬花平綴錦沙鴈小如拳薄暝爭投轄提壺更數錢
風燈升降影茅屋去來煙衰藉囊萸早宵因說餅延塵埃驚老本身
世益迍澶尙憶班荆地會開送別筵舊游惟沈岸登鄭培遠夢各山
川榆塞橫汾曲譚七郡丞兄
吉璉潘二未蠶叢桂竹偏高層雲
李良年中郎遺爨笛蔡湘
歎逝轉悽然

柯將軍園亭卽席分韻送柯三

維楨

還嘉善

匹馬嵩陽返曾探玉女崖征衣猶雨雪歸櫂復江淮客有悲歌獨文
傳別賦皆葛疆池上月後夜不勝懷

送計孝廉

東

還吳江

三年歸計總蹉跎日見輕舟下潞河君去登高誰對酒空憐秋色異
鄉多

送陳鈞之青浦

憶同九日登高讌，益信陳琳最善文。
易水自來長送客，詞人且免學從軍。
帆飛薛澗連鄉樹，鶴下華亭劃海雲。
吾老思歸猶未得，天涯歲月總離羣。

送汪戶部琬還長洲

殊方動惜故人違，聽唱驪歌淚暗揮。
白下乍傳星使返，江東忽見步兵歸。
茗華徑曲藏書屋，蓮葉舟輕上釣磯。
不獨文章今日少，誰能未老念荷衣。

送陳叟南歸

軍都關口朔雲凝，羨爾臨行匹馬登。
歸向高陽逢舊侶，銜杯試話十三陵。

昭陽赤奮若

人日謁景皇陵

重湖裂帛已流澌岸柳三眠又一時尙有寢園開夕照每逢人日撫
殘碑童童獨樹栖禽少冉冉長途下馬誰回首昌平山近遠裕陵松
柏總淒其

同劉侍郎

芳躅

入大房山時劉編修

芳誥

養疴山中八首

羣峯迴合靜飛塵野杏山桃各自春不共南陽劉子驥花源一望已
迷津

丹梯直上與天連鐵鎖垂垂百尺懸安得山中十日雨石門一道迸
飛泉

帝城回望隔峯霞蘭若松門自歲華剩有紅羅宮監在香臺猶禮九
蓮花

上方層閣少經過猶有樵人樹杪歌試乞山僧老藤杖天風扶上摘
星陀

解道劉伶善閉關田衣竹杖此躋攀長安車馬紛無數誰肯高居六

聘山

春風依舊野棠紅
麥飯僧廚餉客同
不用三車頻問法
白頭試話玉

熙宮

定公八十援猱捷
峻嶺何曾策杖遊
邀我遠登龍虎峪
翠巖天半結

飛樓

羊何此日和歌成
夢草池塘句更清
刻取谿亭雙櫟樹
千春長識謝

公名

過何侍御丹臺書屋二首

一飯長安地先生許數來
牕虛同畫舫徑盡出丹臺
風幔宜斜卷庭

花獨早開但令施枕簟
日日此銜杯

宛在山茨下層陰翳小亭
花移大房茜石帖太湖
青筆斷何妨續琴

歌亦可聽閒來須賭墅
一為寫黃庭

送喬舍人萊還寶應

今秋甲子雨不絕小池殘暑風淒淒棧車難行瘦馬滑終朝兀坐愁
雲低有客上書臨欲去折簡招我斜街西房山香醪貯一石浮以斛

角暹羅犀定州瓷盃白如雪津門紫蟹團霜臍坐中曹

舍人汪懋麟

意氣古杜詩韓筆名相躋草堂圖畫凡幾幅酒酣並起爭留題龍竿

寺旁射陂曲中分一水名柘溪君家嚴君

侍御可聘

此游息翠煙繚繞含

晴霓王官谷深城府隔武陵花發時人迷只今八十尚健飯過橋不

用扶青藜郵籤此去秋未晚籬邊圓菊黃花齊連江峭帆檻外落一

雙老鶴階前栖衡門啓後綵衣入定使眼膜開金篋桓山四鳥雖折

翼

時舍人有兄喪

循陔庶免心酸嘶兼珍之膳娛永日靜觀節物移暄萋嗟

余旅食尚淹滯懷鄉未得瞻秦稽送君沉吟數長路寸心千里隨輪

蹄維揚稷稻美自昔邇來厥土仍塗泥灣頭清水聞更決上流未築

歸仁隄千村廬舍總昏墊可知鴈戶猶悲啼漕船萬斛輓不上荒岡

斷岸何繇梯太倉紅粟漸已貴曷歸長水親鉏犁期君歲暮白田上

班草城南手重攜

和韻送徐編修

乾學

還崑山

潞河臨發動晨颺惜別重歌折柳辭前席定來宣室召蹇驢仍借杜陵騎秋深準續登高約月出應懷對酒時賓從玉山知不少相思定

寄草堂詩

藍秀才見示劉松年風雪運糧圖

潞河十月櫓聲絕連檣如薺啼飢烏層簷炙背苦岑寂有客示我運糧圖遙峯隱隱露積雪村原高下紛盤紆千年老樹風怒黑寒葉盡脫無纖枯人家左右僅茅屋傍有水碓臨山廚秕糠旣揚力輸稅安有甌石存桑樞大車檻檻四黃犢疾馳下坂尋修塗嗟爾農人歲已暮婦子不得相歡愉披圖恍見南渡日北征甲士連戈及當年諸將猶四出轉粟未乏軍中需同仇大義動畎畝輸將豈畏胥吏呼始知繪事非漫與堪與無逸豳風俱古來工執藝事諫斯人畫院良所無

嗚呼斯人畫院良所無不見宋之君臣定和議笙歌晨夕游西湖

席上贈陸生三首

江東陸弟擅風流負笈今爲萬里游畫取燕臺山近遠黃雲白雪一時愁

芳筵鮭菜故鄉同刻燭藏鈎漏未終閉戶須爲十日飲銜杯最愛百
分空

風雪寒凝老樹枝蟹螯深夜且同持前身定是周邦彥醉裏能歌片
玉詞

夢硯歌爲汪舍人

懋麟

作

我怪汪舍人臥疴嬾朝參眼前富貴非所好惟於載籍偏沉酣無錢
可糴太倉米僮僕入市心懷慚舍人舒膝方晝寢如蟲食蓼翻知甘
忽然夢入無人區廣庭巨室何勘勘中羅石硯十有二一一就視煙
雲含蠹磯苦堅龍尾滑洮河水玉徒窺竅詎若羚羊峽中質青花白

葉波渟涵良璞得一亦已足十二盡取毋乃貪覺來伏枕賦長句中
心惆悵真難堪為語舍人且莫貪高要峽路吾能諳昔年著屐入巖
穴親斲山骨施斧鑿黃金盡散要不惜一百八石巖前擔自從輕舟
發大庾蓬牕一日摩抄三榜人潛窺竊其九餘歸見者爭來擗眼看
美好盡已去何況夢寐侈空譚舍人翻然釋惆悵留余濁酒開新壩
統如漏鼓猶未起起時月落天西南

龔尚書輓詩八首

坤維初震後元老忽淪亡九日地震越三日公沒已定春帆計翻教夜壑藏把
杯人未散戀闕意堪傷盛德今徂謝悲看大鳥翔

西掖存封事南天返使車位仍三獨坐職半六尚書典禮真無忝論
文盡不如最憐羣弟子入揖共欷歔

九日龍潭讌招尋自此休公每歲九日讌客賦詩於黑龍潭遲歸因酒債垂死及山

游九月七日公扶杖別袂何曾把時余赴通州詩篇總未酬重來清淚迸風

病遊萬壽寺

急總帷秋

京華留滯久恆苦出無車記憶惟公切過從聽我疎頓忘何日別急

簡舊時書剩有雷塘句臨岐襖飲初

辛亥上巳余從京師至揚州公以詩贈行

墨自臨池妙詩先過嶺工換鵝何太苦刻燭未教終匹練題長遍聯
篇思轉雄要知作者意肯與古人同

別有新詞麗樽前賦物華歌翻舊桃葉笛按小梅花檀板柳三變金

荃温八义江南腸斷句回首向誰誇

公最賞余阻風湖口詞

含玉遺孤在招魂上客存天邊丁令鶴夢裏謝公墩笳吹將歸路田
廬何處村應同鍾太傅丙舍寄諸孫

已輟青門餞空憐白馬留九京應萬里百口但孤舟逝矣名須易傷
哉涕莫收寄聲縫掖賤休作帝京游

送龔孝廉

宜生

掌教涿州

圖經雄涿鹿壁沼亞橋門錦里仙人水樓桑帝子村詩傳頤盡解官

冷道彌尊不遠房山麓相期泛竹根

九言題田員外雙秋汎圖

田郎與我相識今十年新詩日下萬舌爭流傳黃塵撲面三伏火雲
熱每誦子作令我心爽然開軒示我秋汎圖五丈鴨頭畫出宛似吳
中船大通橋北官舍最湫隘箕筥斗斛囊橐羣喧闐他人對此束縛
不得去田郎掉頭一笑浮輕漣疎花蒙籠兩岸渡頭發蹇驢蹶蹶百
丈風中牽五里十里長亭短亭出千絲萬絲楊枝柳枝眠當其快意
何啻天上坐酒杯入手興至吟尤顛慶豐插口自有此渠水未知經
過誰子曾洄沿倉曹題柱名姓不可數似子飛揚跌宕真無前長安
酒人一時賦長句我亦對客點筆銀光牋篷牕寂寞不妨添畫我從
子日日高詠秋水篇

寄懸公

竹外繩橋渡口鐘別來消息五春冬南湖虛有煮茶約下若幾曾歸

權逢去鴈書成難問訊愁猿路險怯過從衰年願得精廬近須卜橫
山第一峯

曝書亭集卷第八

Blank page with vertical lines for text columns.

山後一卷

蘇軾詩集卷之...

曝書亭集卷第九

秀水 朱彝尊 錫鬯

古今詩八

闕逢攝提格

春雪二首

臘去初無雪春來盡日飄披離侵柳陌取次及花朝入夜飛何急因風卷未消攜錢思縱飲不用酒旗招

客久催蒼鬢師行冷鐵衣漸看迴鴈近只共早梅飛關塞愁無極鄉園信轉稀空憐兒女在遙計放船歸

送龔大之淮陽

潞河遲日送征驂禁雪初晴柳尚含一路青山到淮浦照人明月已

江南

汪舍人懋麟以丁娘子布見贈賦寄

丁娘子爾何人織成細布光如銀舍人笥中剛一疋贈我為衣禦冬
日感君戀戀情莫踰重之不異貂襜褕攜歸量幅二尺闊未數星紈
與荃葛曬却渾如飛瀑懸看來只訝神雲活為想鳴梭傍碧牕摻摻
女手定無雙浣時應值湔裙水漂處除非濯錦江長安城中盛衣馬
此物沉思六街寡裁作輕衫春更宜期君再醉天壇下天壇二月踏
青時領邊短鬢風吹絲試尋油壁香車路追逐紅禪錦髻兒

寄高層雲

萬里歸舟興有餘蜀薑召客繪鱸魚酒邊可憶朱齡石深夜明燈勘
羽書

王尚書

崇簡

招同錢

澄之

毛會建

陸元輔

陳祚明

嚴繩孫

計

古今東 謙集豐臺藥圃四首

上苑尋幽少東山載酒行發函初病起出郭始心清一老風流獨羣
賢少長并甘從布衣飲真得古人情

水淺孤村外亭開萬柳中流觴過上巳卷幔已南風旅話江湖別幽期出處同接羅拚共倒舉手對山公

山田圍輞水左右出豐臺是日孤亭坐繁花四面開蟻浮傾更滿蝶舞去翻來卽事多高詠天涯不易哉

麗草攢細蕊晴風卷絳雲井華宜近汲衣桁忽斜曛興自抽簪發人因賭墅分重過知不厭歸騎且紛紛

送鄭培南還

長安似爾客最久自別舊鄉今八年五里亭邊傾薊酒一帆風未挂吳船承顏正好趨庭日生計須謀負郭田莫以故人歸未遂卜居不與竹垞連

鴛鴦湖櫂歌一百首有序

甲寅歲暮旅食潞河言歸未遂爰憶土風成絕句百首語無詮次以其多言舟楫之事題曰鴛鴦湖櫂歌聊比竹枝浪淘沙之調冀同里

諸君子見而和之云爾

蟹舍漁村兩岸平
菱花十里櫂歌聲
儂家放鶴洲前水
夜半真如塔

火明

宋朱希真避地嘉禾放鶴洲其園亭遺址也
余伯貴陽守治別業於上真如塔時其西

沙頭宿鷺傍船棲
柳外驚烏隔岸啼
為愛秋來好明月
湖東不住住

湖西

春城處處起吳歌
夾岸疎簾影翠蛾
一葉舟穿妝閣底
傾脂河畔落

花多

傾脂河在楞嚴寺東
人家多跨水為閣

寶帶河連錦帶斜
精嚴寺古黯金沙
牆陰一逕游人少
開遍年年梓

樹花

寶帶錦帶俱水名
精嚴寺多梓樹

西埏里接韭谿流
一簣餅山古木秋
慣是爭枝烏未宿
夜深啼上月

波樓

西埏里戴干寶搜神記在嘉興縣治西韭谿之水經其下餅山
宋時酒務月波秀州酒名載張能臣天下名酒記樓係令狐挺

所建宋人集題
詠詩詞甚多

和韻

嘉興 譚吉聰 舟石

蘇小墳前水北流
荅花梧葉滿園秋
月華不與高城隔
飛上星湖
第一樓

構李亭荒蔓草存
金陀坊冷寺鐘昏
湖天夜上高樓望
月出東南白

苧村

構李亭址在金陀坊著金陀粹編寺北宋岳珂爲勸農使居

和韻

譚吉璉

胥江不遠小山存
猶有遺祠翠木昏
挂席西風乘興去
白蓮秋水
夕陽村

百尺紅樓四面牕
石梁一道鎖晴江
自從湖有鴛鴦目
水鳥飛來定
自雙

和韻

譚吉璉

水市花船一樣牕
龍淵學繡一條江
憑誰移箇龍淵塔
學繡村邊
也作雙

倅癖偏宜置酒過
亭前花月至今多
不知三影吟成後
可載兜娘此

地歌陸游入蜀日記此亭也張子野云往歲吳興守滕子京席上見

小伎兜娘後十年再見於京口

女牆官柳遍啼鴉小閣臨風卷幔斜笑指孩兒橋下水雨晴漂出滿

城花孩兒橋在天寧寺東石闌盡刻作孩兒載魯應龍括異志

檣燕檣烏繞楫師樹頭樹底挽船絲村邊處處圍桑葉水上家家養

鴨兒樂府阿子歌注嘉興人養鴨兒作此歌

桃花新水湧吳艚十五漁娃櫓自操網得錢塘一雙鯉不知魚腹有

瓜刀錢塘杜子恭就人借瓜刀其主求之曰當即相還耳既而刀主行至嘉興有魚躍入船中破魚腹得瓜刀見搜神後記

穆湖蓮葉小於錢臥柳雖多不礙船兩岸新苗纔過雨夕陽溝水響

谿田

和韻

譚吉聰

春來河蜨不論錢竹扇茶爐載滿船沽得梅花三白酒輕衫醉臥

紫荷田

金衣楚雀白鷄雞不住裴公島上啼白馬未嘶雲屋外紅船先度板

橋西

裴島即放鶴洲相傳裴休別業

隄外湖光隄內池露荷珠綴夜涼時阿誰月底修簫譜更按東堂舊

日詞

毛滂在秀州賦月波樓中秋詞云露荷珠綴照見鴛鴦睡月底修簫譜樂府調名東堂滂集名也

鴨餛飩小漉微鹽雪後爐頭酒價廉聽說河魴新入市萋蒿荻筍急

須拈

方回題竹杖詩跳上岸頭須記取秀州門外鴨餛飩

城北城南盡水鄉紅薇徑外是回塘千家曉閣紗牕拓二月東風蕙

草香

和韻

譚吉璉

江村復禮舊名鄉竹作笆籬石作塘到處十家三酒店春波繫纜

岸花香

西水驛前津鼓聲原田角角野雞鳴臺心菜甲桃花里未到天明櫂

入城

西水驛在城西桃花里人多種菜為業

和韻

譚吉璵

棟子花疎過雨聲
紫山看火樹頭鳴
鄰船兩槳買桑葉
南抵餘城北渚城

姑惡飛鳴觸曉煙
紅蠶四月已三眠
白花滿把蒸成露
紫葢盈筐不

取錢姑惡鳥名蠶月最多野薔薇開白花田家籬落間處處有之蒸成香露可以澤髮

村中桑斧響初停
溪上叢麻色漸青
郡閣南風纔幾日
荷花開滿鏡

香亭府城西北有麻溪鏡香亭在慈恩寺南今廢

徐園青李核何纖
未比僧廬味更甜
聽說西施曾一搯
至今顆顆爪

痕添徐園李核小如豆絲懸其中僧廬謂淨相寺產構李每顆有西施爪痕

藉袈橋上水松牌
白石登登鴈齒階
曾記小時明月夜
踏歌連臂竹

鄰街竹鄰里元陳秀民所居藉袈橋在其東北

谷水由來出小湖
渚城辟塞總春蕪
戰場吳楚看猶在
折戟沙中定

有無水經注引吳記谷水出吳小湖逕由拳縣渚城在今城北十五里水經注又云浙江又東逕柴辟南舊吳楚戰地備候於此故

謂之
辟塞

金魚院外即通津轉粟千艘壓水濱
年少女牆隨意望縫衣恰對柁

樓人輿地紀勝金魚院在嘉興縣西北

懷家亭館相家湖雪艇風闌近已蕪
猶有白蘋香十里生來黃蜺蛤

蜺懷悅居相湖南闕柳莊有水亭名雪艇湖中產蜺甚肥

學繡女兒行水潯遙看三塔小如鍼
並頭菡萏雙飛翼記取挑絲色

淺深城西學繡里俗傳西子入吳刺繡於此三塔龍淵寺前塔也

梅花小閣兩重階屈戍屏風六扇排
不及張銅爐在地三冬長煖牡

丹鞵里有張鳴岐製銅為薰爐聞於時

鶴湖東去水茫茫一面風涇接魏塘
看取松江布帆至鱸魚切玉勸

郎嘗鶴湖在魏塘清風涇即白牛涇

蓮花細步散香塵金粟山門禮佛頻
一種少年齊目斷不知誰是比

肩人金粟寺在海鹽西南林坤誠齋雜記海鹽陸東美妻有容止夫婦相重寸步不離時號比肩人孫權封其里

織成錦衾碧間紅繚以吳縣四五通錦上鴛鴦三十六雙棲夜夜水

紋中 善錦里出

和韻

譚吉璉

巷西古塔畫闌紅閣老廳門一徑通猶記北樓驂篠地薔薇一丈

曉庭中

天寧佛閣早春開鳥語風鈴次第催怪道回船濕羅韞嚴將軍墓踏

青來 天寧寺在秀水縣治東北後有嚴助墓

和韻

秀水 陳忱 用宣

東林禪宇白蓮開魚版纔停午復催坐久雙谿明夕照布帆一半

鷓湖來

長水風荷葉葉香斜塘慣宿野鴛鴦郎舟愛向斜塘去妾意終憐長

水長 長水秦時所鑿斜塘地名

踈地垂楊絮未飄蘭舟上已祓除遙射襄城北南風起直到吳江第

四橋城北王江涇有射襄橋俗講爲壽香橋卽射襄城故址

宣公橋南畫鼓搗酒船風幔挂鴉又碧山銀盃勸郎醉權入南湖秋

月斜陸宣公橋在城東朱碧山元時嘉禾銀工宋聞人滋南湖草堂記橋李澤國也東南皆陂湖而南湖尤大

木樨花落擣成泥霜後新橙配作壘猶恐夜深妨酒渴教添玉乳禦

兒梨禦兒玉乳梨見漢書注

畫眉墨是沈珪丸水滴蟾蜍硯未乾休恨圖經山色少與郎終日遠

峯看沈珪禾人善製墨諺云沈珪對膠十年如石載何蘧春渚紀聞郡城四望無山宋鄭毅夫月波樓詩野色更無山隔斷是也

和韻

譚吉璵

碧瓦珠光火一丸綠楊絲挂綵幡乾泥孩縱說廊延好不及曹王

廟上看

三姑廟南豆葉黃馬王塘北稻花香秋衣薄處宜思妾春酒熟時須

餉郎三姑事見括異志今長水有廟馬王塘在其北

小婦春風樓下眠與論家計最堪憐勸移百福坊南住多買千金玗

上田石門有春風樓錢塘應才為嘉興學正婢曰陸小蓮百福坊人貝瓊元末避地千金圩

小舫中流播燕梢一螺青水練塘坳隨郎盡日鹽官去莫漫將儂半

邏拋燕梢小船名長水東有練浦一螺青浦水名劉長卿詩半邏鶯滿桐今譌為半路

鎗金硯匣衍波牋日坐春風小閣前鏤管簪花書小字把郎詩學魯

書編鎗去聲斜塘楊匯髹工鎗金鎗銀法以黑漆為地鏤刻山水樹石花竹翎毛亭臺屋宇人物調雌黃韶粉以金銀箔傅之見陶

宗儀輟耕錄杜詩編年自禾人魯書始

雨近黃梅動浹旬舟回顧渚鬪茶新問郎紫筍誰家焙莫是前溪讀

曲人

秋燈無燄剪刀停冷露濃濃桂樹青怕解羅衣種鷺粟月明如水浸

中庭禾中產鷺粟相傳八月十五夜俾女郎解衣播種則花倍繁

繡綫圖存陸冕遙唐家花鳥棘鍼描只愁玉面無人畫須是傳神盛

子昭陸冕禾人有繡綫圖載宣和畫譜唐希雅及孫宿皆善畫花鳥墨作棘鍼子昭魏塘人嘗畫崔鶯鶯像

去郭西南桂樹林五畝之園一半陰笑插枝頭最深蕊兩鬢如粟辟

寒金

城西屠氏園有桂二本垂蔭逾畝每歲兩樹迭開金蕊一枝

榆錢陣陣麥纖纖野菜花黃蜨易黏記送郎船溪水曲平蕪一點甌

山尖

甌山在桐鄉今為錢大理貢墓

比翼鴛鴦舉擢迴雙飛蝴蝶遇風開生憎湖上鷓鴣鳥百遍魚梁曬

翅來

鷓鴣湖在鹽縣西南海

龍香小柄琵琶彎切玉玲瓏約指環試按花深深一曲海棠開後望

郎還

南宋太學服膺齋上舍鄭文秀州人妻孫氏寄秦樓月詞一時傳播酒樓伎館皆歌之載古杭雜記花深深海棠開後詞中語

也琵琶字唐人多作仄音讀

酒市茶寮總看場金風亭子入春涼俊游改作烏篷小蔡十郎橋低

不妨

晏殊類要嘉興縣有金風亭蔡十郎橋載至元嘉禾志

落花三月葬西施寂寞城隅范蠡祠水底盡傳螺五色湖邊空挂網

千絲

城西南金銘寺有范蠡祠舊并塑西子像湖中產螺皆五色

蘇小墓前秋草平蘇小墓上秋瓜生同心縮結不知處日暮野塘空

水聲

唐徐凝嘉興逢寒食詩惟有縣前蘇小墓王禹偁詩縣前蘇小有荒墳今縣南有賢倡巷

和韻

譚吉璉

參旗橫照郡樓平塔火初沉漁火生郭外城中十三寺一時落月

盡鐘聲

風檣水檻盡飛花一曲春波瀲灩斜北斗闌干郎記取七星橋下是

兒家

春波七星二橋名

天星湖口好花枝便過三春采未遲蝴蝶雙飛如可遂教郎乞夢冷

仙祠

天星湖在嘉興縣治東湖北有協律郎冷謙祠禱夢者有奇驗

江樓人日酒初濃一一紅妝水面逢不待上元燈火夜徐王廟下鼓

鼕鼕

徐王廟在府城東北每歲人日穀日擊舟擊鼓士女往觀

河頭時有浣衣人處處春流漾白蘋橋下輕舟來往疾南經娛老北

蹲賓

娛老橋在城南蹲賓橋在府治西

芳草城隅綠映衫鳳池坊北好抽帆徐恬舊宅芹泥煖過雨斜陽燕

子銜

鳳池坊婁機故宅今郡學之前徐恬宅見陸廣微吳地記

秋涇極望水平隄歷歷杉青古闌西夜半嘔啞柔櫓撥亭前燈火落

帆齊

秋涇橋在城北衫青闌名落帆亭名

和韻

譚吉璉

青鶉白鷺浴湖隄飛向羅潭廟口西竹傘梭鞦塵不到秋風且看

稻花齊

屋上鳩鳴穀雨開橫塘游女蕩舟回桃花落後蠶齊浴竹筍抽時燕

便來

橫塘在城東俗名筍之早者曰燕來

漏澤寺西估客多樓前官道後官河正值喧闐日中市楊花小伎抱

箏過

吳船女郎入市唱曲號唱楊花

五月新絲滿市塵縲車鳴徹斗門邊沿流直下羔羊堰雙櫓迎來販

客船

羔羊堰在石門縣斗門在石門北

魚梁沙淺鷺爭淘處處村田響桔槔一夜城西茗水下酒船直並小

樓高

和韻

譚吉璉

槐葉青時和冷淘槐葉濃時轉桔棗槐葉黃時香稻熟登場禾稼

比牆高

九里橋西落照銜櫻桃初熟烏爭鷓須知美酒烏程到遙見新塍一

片帆

宋曾魯公監秀州新
睽酒稅今作新城誤

馬場漁澈幾沙汀宿雨初消樹更青最好南園叢桂發畫橈長泊菴

茶亭

彭湖一名馬場湖宋潘師旦以南塢漁澈水十一處會於春波
門外建會景亭南園余叔宜春令別業有桂樹四本高俱五丈

蘇子瞻煮茶
亭在水北

青粉牆低望裏遙紅泥亭子柳千條郎船但逐東流水西麗橋來北

麗橋

伍胥山頭花滿林石佛寺下水深深妾似胥山長在眼郎如石佛本

無心

胥山在城東十八
里石佛寺唐剎

花船新造水中央曉發當湖泝漢塘聽盡鐘聲十八里平林小市入

新坊角里東為漢魏二塘德藏寺鐘初成工戒以勿擊俟行百里擊之工行至新坊十八里遠擊之由是不能遠聞載括異志

蒲山草與薺山齊激浦潮來乍浦西白沃廟南看白馬巫言風雨夜

長嘶蒲山菜薺山俱在平湖白沃廟祀漢史君

綠煙初洗免華秋片片魚雲靜不流山月池邊看未足移船買酒弄

珠樓山月池在平湖德藏寺城東有弄珠樓

鸚鵡湖流碧幾灣白龍湫水落陳山游人秦小孃祠過社鼓聲邊醉

酒還鸚鵡湖即柘湖陳山上白龍湫見括異志秦小孃晉時人祠在平湖縣東南二十里

阿儂家住秦溪頭日長愛權橫湖舟霑雲寺東花已放義婦堰南春

可遊橫湖霑雲寺俱在半邇東義婦堰漢許昇妻呂榮冢死黃巾之難糜府君斂錢葬之今譌為呂蒙冢

巫子峯晴返景開傳聞秦女葬山隈閒聽野老沙中語曾有毛民海

上來樂資九州志鹽官縣有秦駐山始皇逕此美人死葬於山下山之東海口有巫子山水經注光熙元年有毛民三人集於縣蓋

汎於風也

橫浦東連白塔雲下方鐘鼓落潮聞結成海氣樓相似煮就吳鹽雪

不分白塔山在海中鹽官亦有蜃市

勸郎莫飲黃支犀勸郎莫聽花冠雞聞琴橋東海月上烏夜村邊烏

未啼聞琴橋在海鹽城東烏夜村何準宅舊址

和韻

譚吉璉

三條玉帶兩條犀爭訪金雞夢白雞高冢纍纍羊虎盡塘南塘北

亂烏啼

鷹窠絕頂海風晴烏兔秋殘夜並生鐵鎖石塘三百里驚濤齧盡寄

奴城鷹窠頂在激浦山椒每十月朔日月並出海中晉安帝隆安五年孫恩犯海鹽劉裕拒之築城於海鹽故治

招寶塘傾水淺深會骸山古冢銷沉都緣世上錢神貴地下劉伶改

姓金招寶塘在海鹽西南九州要記古有金牛入山阜伯通兄弟鑿山取牛山崩二人同死穴中因曰會骸山郡有劉伶墓土人避

錢鏐諱改呼金伶墓

曲律崑山最後時海鹽高調教坊知至今十棒元宵鼓絕倒梨園第

子師

春絹秋羅軟勝絲折枝花小樣爭傳舟移濮九娘橋宿夜半鳴梭攪

客眠

濮院元濮樂閉所居濮九孃橋在焉

郎牽百丈上官塘客倚篷牕晚飯香黃口近前休賣眼船頭已入語

兒鄉

輕船三板過南亭蠶女提籠兩岸經曲罷殘陽人不見陰陰桑柘石

門青

崇德古南亭石門春秋時吳壘石以拒越

和韻

譚吉璉

宅西狷石舊名亭會侍先人說五經夢想故園猶在眼椽櫺一樹

假山青

走馬岡長夕照中塘連沙渚路西東不知吳會誰分地生遍茱萸一

色紅

走馬岡在石門永新鄉地有官窯相傳吳越分疆處語兒中涇一名沙堵塘吳會分地紀書名見太平御覽吳茱萸禾郡土產

移家只合甌川居釀就新漿雪不如留客最憐鄉味好屠墳秋鳥馬

嗥魚閩人卓成大元末僑居甌川馬嗥城殆即水經注所云馬畢城也魚可為腊

郎家湖北妾湖南兩槳緣流路舊諳却似釣鼈磯畔鷺往來涼月影

麇麇釣鼈磯在南湖中龔太守勉所築

野王臺廢只空墩翁子墳荒有墓門舍宅尚傳裴相國移家曾住趙

王孫白蓮寺隔水有顧野王讀書臺址朱買臣墓在角里街北真如寺相傳裴休宅趙王孫謂孟堅也居廣陳里

秋晚東林落木疎白蓮僧寺水中居昏鐘不隔漁莊火古殿猶存日

本書白蓮寺即東林施水院漁莊在其北寺壁有日本國人題名二處

斬王戰艦已無蹤婁相高墳啓舊封曾見朋游南渡日北山堂外九

株松縣東三十里一冢甚高傳是婁機墓中有石室為盜所發北山草堂沈氏宅其石壘自南宋

仲圭舊里足淹徊曲徑橫橋一水隈小榭春風誰酌酒佛香長和墓

門梅吳鎮墓在嘉善縣治北梅花巷

懷蘇亭子草成蹊六鶴空堂舊蹟迷惟有清香樓上月夜深長照子

城西懷蘇亭在府治六鶴堂宋知州鄧建府廡有清香樓見異聞總錄子城載閉牕括異志今日為子牆脚

稗花楓葉宋坡湖路轉潮鳴山翠無百里鹽田相望白至今人說小

長蘆宋坡湖即賁湖吳郡記海濱廣斥鹽田相望橋李舊號小長蘆見周必大吳郡諸山錄

桑邊禾黍水重圍時有秋蟲上客衣三過堂東開夕照滿村黃葉一

僧歸三過堂蘇子瞻遺跡黃葉菴釋智舫所築

百花莊口水云云中是吾家太傅墳當暑黃鸝鳴灌木經冬紅葉映

斜曛百花莊在城北十五里先文恪公賜瑩在焉

鴨觜小船淺水通荻花門巷蕭蕭風荆南豫北鬪新釀不比吾鄉清

若空清若空亦秀州酒名見武林遺事

秋水尋常沒釣磯秋林隨意斂柴扉八月田中黃雀啁九月盤中黃

雀肥黃雀味甚腴產陶莊馬疇

和韻
譚吉璉

菜花涇上半漁磯蒼蘆林中盡竹扉寒水看同春水闊高田比似

下田肥

江市魚同海市鮮南湖濠勝北湖偏四更枕上歌聲起泊遍冬瓜堰

外船唐張祜會領嘉興冬瓜堰稅

妾家城南望虎墩郎家城北白牛村白牛不見郎騎至望虎何由過

郭門陳舜俞居秀州嘗跨白牛往來自號白牛居士

百步橋南解纜初香醪五木隔年儲不須合路尋魚鮓但向分湖問

蟹胥去郡城東北三里有百步橋馬永卿嬾真子蘇秀道中有地名五木出佳酒陸游日記合路賣鮓者甚衆一統志分湖產蟹

石尤風急駐蘇灣逢著鄰船販橘還祗道夜過平望驛不知朝發洞

庭山蘇灣近吳江境上陳舜俞墓在焉

父老禾興舊館前香杭熟後話豐年樓頭沽酒樓外泊半是江淮販

米船望雲門北舊有禾興館唐李滌嘉興屯田政績記嘉禾一穰江淮為之康嘉禾一歉江淮為之儉

茅屋東谿興可乘竹籬隨意挂魚罾三冬雪壓千年樹四月花繁百

尺藤東谿從叔子蓉別業

舍南舍北遶春流花外初鶯轉未休畢竟林塘輸角里愛攜賓客醉

山樓山樓從叔子葆所居四方賓客至者必集於此

谿上梅花舍後開市南新酒釀新醅尋山近有父基宅看雪遙登顧

況臺余近移家長水之梅谿父山在其西橫山在其南皆可望見顧況讀書臺在橫山頂

和韻

譚吉璉

木樨開後菊花開黃雀霜螯載酒醅九日登高東塔寺風沙終勝

赫連臺

歸人萬里望丘為白酒黃壺瓠作卮來往權歌無不可西溪東柳任

吾之丘為郡人王維送之詩云五湖三畝宅萬里一歸人里中黃元吉治錫為壺極精緻近日鄉人多用匏樽西溪在府城西三里

鮑陶所居東柳在平湖

檻邊花外盡重湖到處杯觴興不孤安得家家尋畫手谿堂遍寫讀

書圖黃子久有由拳讀書圖

和韻

譚吉璉

權歌欵乃勝西湖風景尊前調不孤只少松陵朱處士屏風八尺

寫新圖

旃蒙單闕

題畫竹二首

疎筠个个倚風輕
忽憶鄉園宿雨晴
三畝宅西桐樹北
此時新筍又應生

雪禽未染唐希雅
怪石須添趙大年
興發欲尋潭柘寺
春流決決響

山泉

燕京無竹惟潭柘寺東院一林

懷上方山二首

不到上方三歲久
茅茨長想結山隈
盡移細石教泉下
亂插繁花把徑開
倦客春深歸未得
故人書寄約重來
水筒雲碓安排易
只欠江南遶屋梅

百丈霞梯澗戶扃
層崖依舊入天青
桃花源未有秦人住
屐齒曾同謝客經
殷地昏鐘催夜月
過橋春水續寒汀
精藍近結支纖侶
準擬松

根煑茯苓

送顧乃西還楓涇

客游五載莫淒然元夕天涯我十年為羨王孫歸去路岸花江草送

吳船

嚴侍郎招同吳明府

山濤

龔觀察

佳育

陳處士

晉明

高上舍

層雲

集吳氏園亭時公子

曾藥

在坐

八騶曉出郭門東避暑閒園河朔同山簡賓寮攜沼下謝家裙屐滿
亭中微涼高柳虛檐日過雨新苗隔岸風四坐傳杯那不醉主人先

已百分空

贈吳明府

山濤

詩人吾愛塞翁好風格西陵別擅場嗜酒肯淹千里駕罷官為起七

歌堂雲山畫出無前輩暑雨燈殘話故鄉角里菜畦猶未賣歸時休

只戀餘杭

潞河遙送湯嗣南還四首

惜別無從倒玉壺
傲裝遙發短亭孤
荆高舊侶分攜盡
燕市何人送酒徒

青齊南下即扁舟
一片雲帆故國樓
此去向平婚娶了
明年五岳試

同遊

生計歸時且掩門
還憐舊業已無存
全家欲傍西溪住
最愛梅花第幾村

竹垞三徑也蕭然
歸夢天涯又隔年
儻肯結鄰長水市
開門同對小池蓮

懷鄉口號八首

軀舫西偏盡竹梧
紫微山石儘教鋪
兒孫鄉里堪娛日
不用千金買

佛奴軀舫余齋名元濮樂開以中
統鈔一千錠買歌兒汪佛奴

先人舊宅北門棲
舍後斜陽塔影低
門逕傷心難再問
夢魂猶繞舊

沙隄

碧漪坊裏譚公宅鴨脚清陰半畝餘最憶兒時好兄弟樹根同讀五

車書五經進士譚公宅在府治東北碧漪坊舟石郡丞左羽孝廉孝
山太守次友典籍及亡兄舍人夏士皆讀書於是余亦與焉庭

有鴨脚
樹三本

舊日園林半已荒惟餘曲水繞芳塘少年最憶春游好曾向顏家看

海棠顏家園海棠花
最盛今已摧折

墨林遺宅道南存詞客留題尚在門天籟圖書今已盡紫茹白莧種

諸孫項處士元汴有天籟閣蓄古書畫甲天下其
閣下有皇甫子循屠緯真諸公題詩尚存

舊游愈繆日過從三李銜杯興最濃明月綠牕期沈約白鹽赤米問

周顥憶右吉天自斯年武
會分虎山子青士也

司農泉石向來耽徐穉同遊飲必酣夢想谿山真意好戛天修竹水

南亭曹侍郎秋岳倦圃有谿山
真意軒徐穉指敬可也

方外能詩數復公結茅初地虎谿同詞人寂寞宜過此一舸月明湖

水東復公字文可住初

地菴詩格最老

曝書亭集卷第九

南亭
石向來如翁同
山真意我夏天
竹木

日惟分三至
與是
月
白
未
問

空
留
宿
客
宿
留
宿
客
宿
留
宿

天
天
天
天
天
天
天
天
天
天

會
會
會
會
會
會
會
會
會
會

曲
曲
曲
曲
曲
曲
曲
曲
曲
曲

大
大
大
大
大
大
大
大
大
大

公
公
公
公
公
公
公
公
公
公

只
只
只
只
只
只
只
只
只
只

只
只
只
只
只
只
只
只
只
只

只
只
只
只
只
只
只
只
只
只

曝書亭集卷第十

秀水 朱彝尊 錫鬯

古今詩九

柔兆執徐

讀葉司城封嵩游草賦贈

客居通潞春復冬有如飢鳥仍投籠平生夢寐在五岳垂老未覩嵩
陽峯峯頭玉女定笑我那不控鶴鞭癡龍瓊漿勿飲良可惜白髮滿
鏡徒愁容葉君昔年宰登封莓苔洗字尋石淙霞梯高高八百丈筍
輦踏遍青芙蓉廬巖瀑飛一匹布鐵梁峽偃千年松仙人十六時相
逢閒吹鵝管向明月有時髻插三花穠漸川兪叟與君往來熟言君
愛奇恆未足開筵爲蒸玉面狸行藥曾騎雪色鹿測景還登測景臺
逍遙宛在逍遙谷偶然長嘯百里聞每遇殘碑三日讀不見囊中金
石編何殊集古歐陽錄崇文門西車轂擊十里黃塵眯人目下馬尋

君道名姓一笑情親爲鄉曲投我嵩陽詠百篇勝聽哀絲與豪竹近
來海內工詩格新城王君最雄獨一見君詩許絕倫同調由來賞心
速君今司城名籍甚栗果少年齊足踟入門廳事半栽花插架圖書
尙連屋作吏如君良不俗閒從巷北期王君更許高齋醉醞醪金箱
圖書恣臥遊豈必盧鴻草堂宿

春暮何少卿招同故鄉諸子集古藤花下送譚十一孝廉兄
之舒州

古藤二本高刺檐甍亂挂驪龍鐶主人築堂二十載客到盡卷堂
中簾肥香徐來翠陰動晴絲欲墮朱光炎今年經過物候早三月已
見繁花黏河豚未罷直沽市牡丹定綠房山尖春風不飲最可惜急
收筆架移書籤相期鄉黨十數子同時走走送譚孝廉一觴一詠少長
集脫略禮法無纖嫌懸燈直教猛燭並有酒但向深杯添移時留髡
盡送客三人密坐清宵嚴北城漏鼓聽漸數下弦殘月光磨鎌捉臥

虱人選新格主猶鯨吸賓魚噉人生離多合亦易有淚肯對花前沾
舒州地勝山水兼孤城皖口跳波漸芙蓉之池泛永日訟庭無事恆
虛恬鱗魚凝脂切黃玉翠螺如畫圍蒼蕪乃知下第去亦得絕勝六
街衣馬塵容黔

題元張子正林亭秋曉圖同高

層雲

賦

一峯畫品最緻密逾三百載流傳稀今人摹仿目未睹但取率略屏
紆威殘山剩水不數點豈惟神異貌亦非當時藝事許入室華亭張
中稱庶幾卽如此圖乃學井西王生筆林亭曉色開熹微焜黃老綠
下掩百竿竹是誰竹下結屋關荆扉橋無一人行樹無一鳥飛斜川
折溜凡幾轉古寺突兀樓松圍涼雲濛濛不可極懸泉直下春霖霏
人家磧歷更高處水榭八九相因依武陵桃花笑卑濕茲山避地堪
茹薇當知作者意獨得能使留題數子傳聲徽客中三伏正苦熱對
此羽扇都停揮安得天風扶我縹緲度絕磴與君攜手同振千仞岡

頭衣

贈鄭篋

金陵鄭篋隱作醫八分入妙堪吾師竭來賣藥長安市諸公衮衮多
莫知伊余聞名二十載今始邂逅嗟何遲自從鴻都石經後工者疎
密無定姿任城學官闕里廟羅列不少漢人碑篋也幽尋遍摹搨羲
娥星宿撫無遺卻陽酸棗法尤備心之所摹手輒追黃初以來尙行
草此道不絕真如絲開元君臣雖具體邊幅漸整趨肥癡寥寥知解
八百禩盡失古法成今斯邇來孟津數王鐸流傳恨少無人披太原
傅山最奇崛魚頰鷹跬勢不羈臨清周之恆委曲也得宜勾吳顧苓
粵譚漢暨歛程邃各相持未若篋也下筆兼經奇絲如煙雲飛欲去
屹如柱礎立不移或如鳥驚墮羽翮或如龍怒撐之而箕張昂萃各
異狀屏幃大小從所施平山堂成蜀岡湧百里照耀連雲懷工師斲
扁一丈六衆賓歎息相瞪眙須臾望見篋來至井水一斗研隃糜由

來能事在獨得筆縱字大隨手爲觀者但妒不敢訾五加皮酒浮千
鷗我聞此事足快意目雖未覩心已怡安得留之數晨夕醉時竊拊
醒肩隨盧溝橋北風已厲子今南去生凌澌驪駒在路留未得歲聿
其暮云誰思鍾山草堂定好在放溜且任吳中兒華陽瘞鶴字刻露
鄧尉遺樹花參差無錫城邊見巖四示我長歌一和之

送顧瀛之沂州

官亭把袂惜離居南指臨沂歲未除行過蒙陰山葉響馬頭青壤雪
消初

壽何少卿元英

冷卿宴客已無錢猶有南牀許醉眠清鏡看來容四十練裙書禿管
三千日邊初度春尤近雪後今宵月最圓弟子麴車來不少相留判
飲到新年

壽劉編修芳蒔二首

金錢衮衮考堂輸今日通階昨日殊誰似編修甘寂寞七年不向集
賢趨

人日梅花一月前騷人初度棗弧懸蕭然賦雪攜羣從絕勝徵歌玳
瑁筵

強圍大荒落

河豚歌

天津之水連北溟七十二沽漩迴汀漁師乘春漾極浦舫葉葉輕
於萍河豚此時舉網得活東小大同賦形賣不直錢棄可惜堆置更
比凡魚腥南人見之莞爾笑是物足勝通侯鯖葦蒲束取十百輩馬
馱車載兼手拎晨興主人食指動忽覩兩縛陳吾庭客來疾呼莫莫
莫亟當投畀煩丁寧食熊者肥食鼯瘦豆令人重榆則瞑彼猶無傷
此獨甚犯之不異衝鈴釘主人語客且安坐吾言物理君試聽人生
一死各有候韭英棗華木葉零即如飲啄亦分定鼎腹豈必堅關局

雖云甘脆腐腸藥不聞茹藿長延齡茲魚信毒種乃別膜胸有法食
有經或如燕子尾涎涎或如束帶腰黃鞋今之饋者皆不爾安用荷
錘蕕丘冥挾精刮膜漉出血如鼈去醜魚乙丁磨刀霍霍切作片并
華水沃雙銅餅薑芽調辛椒攪醃荻筍抽白萁蒿青日長風和竈觚
淨纖塵不到晴牕櫺重羅之麵生醬和凝視滓汁仍清泠吾生年命
匪在卯癸爲舌縮箸蠲停西施乳滑恣教齧索郎酒釀未願醒入脣
美味縱快意累客坐久心方寧起看牆東杏花放橫參七點昏中星

送董孝廉愷游五臺

軍都關外朔雲屯過盡龍堆入鴈門一路金光瑤草色青天直上五

峯尊

兕觥歌

觥爲許文穆公錢趙太史定字物爲何少卿賦

覆玉盃屏香螺徹銀鑿落金叵羅黃支之犀塵盡辟主人持觥客前
席請看觥上銘爲君陳夙昔定陵冲年資相臣元老奪情衆怒嗔朝

陽一鳳午門伏折檻寧辭逆鱗觸歸時餞者滿都亭珍重臨岐許文
穆神羊一角詎有雙流傳既久歸婁江張公以之遺弟子敢諫吾公
趙公似更兼愛客無倦容平原十日恆過從朝衣典盡且不顧快意
但寫鳧花濃我浮此觥亦已數尊前豈惜狂歌重吾公邇年徙卿寺
西掖南牀誰鶚視漢殿今無白獸尊滿飲黃流莫輕寘

周郎中自閩回賦贈二首

萬里孤城去三年別館囚遙憐天北望不異海西頭曲罷紅薈老園
荒紫蓼秋空堂今夜燭誰分話離愁

入夜羝同宿經秋鴈不飛歸迎雙眼淚去陷幾重圍攬鏡顏都改趨
庭計已非辛勤完節意冬月尙絺衣

同里李

符

游於滇遇碧雞山道士謂曰子前身廬山行脚僧

也後十年當仍歸廬山

符

乃畫廬山行脚圖俾予題詩二首

畫裏分明廬岳僧雲峯有約十年登江湖到處勾留住看爾入山能

不能

桃鄉一望水接藍擬結鄰居共釣潭休信碧雞狂道士閒拋老屋在
花南

春浮閣

春浮本佛樹之子愛逃禪小閣道南市清流牖口泉攤書官柳近對
酒女牆偏盡笑張思曼能牽岸上船

題董尚書墨蹟

三真六草董尚書北米東邢總不如試誦容臺好詩句一縑肯換百
碑磔

彭城道中詠古二首

舊社粉榆改寒雲芒碭收山風吹野火飛度斬蛇溝
博浪飛椎後圯橋進履年無人知偶語況有素書傳

清流關

清流關屢屢設險古來尚細路緣秋毫石角竦殊狀舍我一兩車拄
此九節杖初行井白中俄出松果上回睇衆山卑連峯走頽浪入關
少礮礮客意始蕭放平岡響楓葉斷壁偃花當南滁暑未銷西澗水
新漲眺遠懷昔人儒衣謁戎帳君臣既深契一言判興喪偏師越死
地於此蹶上將遺跡雖已湮過者心所嚮山高而水清獨立但怛悵
三頁一題顧夫人畫蘭

眉樓人去筆牀空往事西州說謝公猶有秦淮芳草色輕紈勻染夕

陽紅蘭名見金漳趙氏譜

著雍敦牂

興化李先生清壽詩

世事有屈必有伸吾思遜國忠節臣詔書張目不肯草何得復作叩
頭人一時史筆授曲學壯夫氣短懦夫嗔褒忠之典歲久闕草野論
議徒紛綸棗園先生家海濬早成進士官於鄞披垣竹埤歷八舍抗

疏豈憚批龍鱗曾聞過江上封事神人觀聽交歡忻方黃鐵練名盡
易榜祠木末金川新電光石火雖暫照猶勝霧霧窮塵傳之百世
終不湮先生用意良苦辛邇來閉戶三十載著書更比當年勤東京
舊事孟元老北盟新編徐夢莘藏之名山自怡悅使者徵索推蒲輪
先生穩臥南溪濱白蕉之衫紫荷巾三詔六聘催未起衡門但與沙
鷗親年今八十能抱真齒兒髮秀目綠筋立譚古昔猶斷斷玉堂才
子念明發四月正及懸弧辰袖懷蟠桃五寸核目送海鶴千里津棗
園池水風漣淪闌藥四照花如茵五加皮酒粥面厚鳴薑鱠鯉羅兼
珍烏衣不改王謝里一門羣從稱觴頻古來傳經藉遺老耆儒往往
上壽臻不見張蒼伏勝暨轅固博士江翁杜子春

鄭州題壁

積水漁村渡新涼酒旆風河間多姍女若箇數錢工

得龔

百朋

嶺南書却寄

別鴈橫汾信去留何時漂轉入端州
天邊消息初踰嶺戰後江山獨
上樓草檄硯開鸚鵡潤歸帆雲暝鷓鴣愁
回憐十載相逢地晉府街
東並馬遊

爲徐徵士題畫

買斷西濛港湖田二頃餘應同尹都尉
暇便著農書

王尙書招同陸

元輔 鄧漢儀

毛奇齡

陳

維崧周

之道

李

良年

諸徵士讌集怡園周覽亭閣之勝率賦六首

北斗依城近南陔選地偏綵衣逢暇日
珠履託羣賢山擁牆初亞林
疎徑屢穿身隨沙際鶴飲啄到平泉

石自吳人壘梯懸漢棧牢白榆星歷歷
蒼蘚路高高宛得棲林趣渾
忘步履勞下山無定所隨意各分曹

澗白泉初徙籬金菊未枯夕曛含略約
亂石點樗蒲密坐千人許迷
途八陣俱不因爨煙細何處覓行廚

風磴雙亭外疎藤蔓十尋龍蛇寒自蟄鳥雀暮長吟待結千花墜應
同萬柳深隔林催未起獨坐想濃陰
履滿西南戶堂臨上下洄落成凡幾日勝引喜先陪監史新圖格壺
觴舊醖醅謝公能賭墅會見捷書來
小閣簷端起虛牕樹杪憑忽驚黃屋近更繞翠微層九日今年悔諸
公逸興能尙書期可再雪後轉須登

題周恭肅公畫牛二首

白川畫龍兼畫牛遶村急雨菰蒲秋百年紙墨黯無色雲氣溟濛猶
未收

牧童橫笛吹不得背面却看溪上山記得濫溪西去路荻花楓葉淺
沙灣

沈烈女詩

吳趨沈氏女許嫁黃小同墨車雖未迎媒灼言已通黃童抱羸疾十

九年命終沈女得凶問淚落如泉江布總箭筈髮喪服治衣工上樓
不下樓顛顛絲春冬含辛桂枝蠹食苦蓼葉蟲父母勸之嫁女恚經
樓中須臾救復活自誓永不雙獨居三十年兵革俄乘墉全家盡逃
匿女仍守樓牕結我裳與衣輟彼飧與饗一笑歸黃壚之死何從容
層層虎丘塔下臨松柏桐兩家謀合葬龜筮咸相從小字書新銘白
石沙磨礮雙飛化蝴蝶並蒂生芙蓉春水鴨頭綠秋草雞冠紅花船
恣來往愛泊山西東吾願游冶女視此馬鬣封

題腰鼓圖

細腰急捧鼓參撾水調兼歌穆護沙料得翻身誇絕技只嫌插鬢少
葵花

丘漢陽壽詩二首

自從江漢櫂歸舟雲壑棲遲三十秋占得釣磯臨海嶼至今八十轉

風流

圖經七十二福地其二乃在東楚間先生林居盍池近長年不改芙蓉顏

屠維協洽

元日同孫

枝蔚

毛奇齡

陳維崧

吳曼

汪楫

諸徵士喬

萊

舍人

湯右曾

上舍集曹舍人

禾

書齋遲李

良年

潘耒

不至即席限

韻二首

勝引期元日虛齋束五經客來衣半白杯至眼俱青密坐更番改清
詩次第聆燭花高不落嘶騎且迴停
樂極修簫譜觴行罷酒監同聲歌郢曲異味轉吳帆東閣花須放西
山翠可鏡還期共潘李並馬試春衫

古意投高舍人

士奇

奕奕九成臺泠泠五絃琴威鳳刷其羽歌舞樂帝心朝儀靈沼上夕
息高梧陰覽輝千仞餘求友及遐深爰居本海處亦復辭煙濴東門

一戾止游目嘉樹林和風動閶闔百鳥啁啾吟獨無笙簧舌臆對難
爲音主人軫物微飼花若黃金食之非不甘愧莫報以琛寄言鸞凰
侶釋此歸飛禽

酬閣若璩

烈火燔帝竹秦鏡忽以淪番番濟南叟後死髦而勤腹笥傳少女齒
落餘空齷掌故潁川來何繇聽其真所怪張歐陽疑義嘿不申金絲
魯宮響科斗蟠輪困俄遭巫蠱發竹簡迹久湮梅生千載後一一紛
羅陳其餘航頭字拮據亦有因譬若完衣裳安用重補紉文從義艱
晦體殊絕蹤塵孔書旣咸在謨誥恆鮮新何不正今譌去險歸溫純
此義誠難知疑者頗相循閣生并州彥徙宅清淮濬昨年應詔至旅
食春明春小心對縫掖餘勇刺古人示我一編書其言狂且醇諸家
援王吳百氏搜墨荀幽室決突奧希音辨韶鈞雖爲見者駭猶勝徒
咕呻吾生嬾述作老矣潛悲辛君非漢井丹經義何紛綸況有紈扇

詠贈我情彌親客子寓招提不出動盈旬春冰玉河裂草暖波粼粼
紅杏舒繁條翠嵐壓重闌相期出郭游西山恣迴巡並馬騁劇談九
皇八八民醒卽坐松石醉卽臥花茵

御試省耕詩二十韻

長樂虬鐘啓端門羽仗排良辰元已近暄景暮春佳

帝念勤民切羣情望幸皆蘋風吹近遠蘭澤洗氛霾銜尾中流鷁拳
毛內殿騶農輿霑雨露兪騎束鞞鞞沙柳津亭岸山松驛路牌西疇
一以望東作此時偕于耜分原上提筐盃水涯杏花殷似火菖葉小
於釵巷靜錫簫市煙澄土銚柴倉庚飛習習布穀語啾啾樂事紆
乾顧豐年協

睿懷歌時成夏諺行處卽堯階帳殿開黃屋人家遶翠厓定知先稼
穡力爲減徭差吉日宣王禱空同軒后齋星躔齊北拱聲教已南諧
曲渚宜浮洛芳尊迴勝淮

宸游多悅豫振旅入天街

送張大理雲翼省親臯蘭結婚作

纔投縞紵慰臨岐別酒翻慳雪後持聽棘暫辭歸觀日絃桐爲譜述
昏詩咸陽紫鳳秦臺迴京兆青螺漢殿知此去心懸清禁月重逢應
及柳如絲

爲姜宸英題畫

潞水秋風上短槎日湖南望水雲賒空教

天子知名字不賦長楊賦白華

送施鑾范令什那

早縮銅章去嚴程莫滯留連雲仍舊棧到日恰高秋訟向泉邊聽書
從鳥外郵毋嫌山郭小漢將此封侯

寄酬張五處士兄彥之

五茸多富室算縉苦煩拏兄也雖屢空家居能晏如糠粃恆不飽寄

詩饒鴈魚何哉兔園冊不鈔貨殖書

和田郎中 雙 移居韻

道南道北書一車田郎與我齊移家月俸雖分五斗粟相呼野性同
磨麩濁醪盈杯注淥水暖湯濯足歌彭衙風簾無額星炯碎短牆縱
葺仍天斜牕前喜有兩棗樹疑想滿眼他時花誦子山薑詩句爽有
若暝坐翻金鴉盤空硬語和未穩月黑漏鼓鬢鬢搗布衾不睡我亦
爾牽牛獨處嗤炮媧

題李檢討 澄中 所藏明月蘆鴈圖二首

吾家水閣傍江斜風荻侵簷一丈花連鴈低飛渾不見祇聽拍拍響
圓沙

遠岸風微宿雨殘天邊忽湧爛銀盤盧河橋畔秋容好比似南湖一
曲看

淨業寺看荷花同嚴四檢討 繩孫 作

香刹緣隄轉官橋信水流綠雲千萬頃不見采蓮舟

李檢討澄中惠鮮鮪魚賦謝

海岱惟青州水族不可算有魚其名鮪託命白石矸孔如螺者九體
具蚌之半浮沉信潮汐出沒昧昏旦涇涇逐崩濤汨汨臨駭岸漁師
三五輦利刃挾新鍛迎寒解衣禪燎薪雜石炭俄而投衝波若勇士
赴難滑苔裹獷殼自恃兩堅悍彼石陷死地嗟汝豈得竄殺機伺巧
發一割乃中斷黨附安可常徒令見者歎是物昔所珍不數鵠鴉胖
彥回三十枚曾鄙萬錢換李君家諸城古臺琅邪畔封書敕官奴鄉
味來歲晏荒途犯風雪羸馬走顛汗以之貽故人腥涎尙未澣疑有
蠙珠存無復朽索貫饌法失嚴龜食經忘馬琬庖廚異羹臠南北互
譏噴於焉出新意滓汁藉糟灌雜雜筠筐排一一桂火煨雖殊馬甲
脆足勝羊胃爛觀頤匪自養比鄰呼酒伴饒抄了陶盤不食真鈍漢

送耿副使之官隴右

雙旌曉發動征塵猶見黃花驛路新樹屏莫辭朱圉遠封侯須與玉
關鄰魚龍積水塞帷近馬鹿晴山繞幕春到日西堂留牘少尺書須
寄倦游人

佛手柑二首

柰女環初脫金仙露最甘萬重來水市一笑啓筠籃味豈踰淮變香
仍隔歲含回思珠海住千樹嶺雲南

宛是祇林得宜從漢殿傳浮江螺女外置驛橘官先白截鵝肪嫩黃
堆兔棗圓尙嫌香氣遠分傍枕函邊

上章涪灘

平蜀詩十二章

并序

臣伏見

皇上卽阼以來仁聲溥洽凡在海外重譯來格邇者巴蜀負固叢爾
叛寇神人交憤六師所向何堅不摧

皇上先之以德化未卽咸劉乃凶渠旣殞餘孽罔悛

天威赫怒爰命虎臣五道分軍深入其阻日未浹旬保寧成都千里
底定正月丁巳捷書上聞誕集文武臣工宣于闕下僉曰蜀寇之不
靖於今六稔

皇上休養民力湛靜不絀金鏡在握朗照萬里之遠山川險易瞭若
掌中

廟算恢宏指授方略以師則武以時則利以將相則和調用能不日
成功

聖武布昭遠邁隆古

臣

以布衣被蒙

恩澤拔置史館粵稽曩昔劉闢旣擒韓愈進元和聖德詩明之平蜀
劉基亦作頌以獻臣雖蒙滯躬逢盛際於以頌揚不烈其何敢後乃
拜手稽首而獻詩曰

皇帝聖哲靡遠勿瞻南諧北燮西被東漸蠢爾不庭憑阻滇黔爰踞

巴蜀以逞戈鋌

皇帝曰咨元戎是敕欲宣武功誕敷文德寇衆來挑我堅壘壁匪久其師恤民之力

民力既恤士氣孔揚我車我牛我倉我箱芻茭菽粟在巘在岡萬夫豫附萬馬騰驤

魁渠肆殄梟謀日阻

帝曰可哉命整雲旅分鑣以馳揚旌負羽或搯其吭或擊其膂

赫赫奮威師度七盤既下葭萌入閬中關桓桓勇略烏道鈎援縣井既收遂復錦官

如彼東瀛用注螢燭如彼衝風用卷秋穰昧雉斯經窮獸乃縛徹其幟竿清我埃柝

蜀之黃髮植杖以遨蜀之黃口聯臂而謠壺則有漿簞則有醪或徯于野或迓于郊

迺疆迺理檉林棘路爾宅爾田輕爾徭賦巴貢其棧實輸其布棧谷
梯山千里蹇泝

捷書夜奏徹於

宸聰午門斯啓宣示臣工小大稽首蹈舞攸同庭燎晷晷光如日中

我出我師正月初吉至於益部曾不旬日矯矯虎臣殆罕其匹

帝心是嘉首用遷秩

人亦有言師克在和惟此成功

廟算實多貳者勿族降者勿苛

皇仁之溥四國是吡

井絡既平坤垠式奠蒙詔牂牁載歸赤縣

皇帝神武俾脩組練亦有昆池於焉習戰

聖有恆訓儆戒無虞凡百有位職思其居勿謂外寧官守或渝小臣

作詩以贊訂謨

題李檢討楫梅花圖和韻

樂飲高齋勝都亭不易哉客從元夕暇花擬故園開未雨莓苔潤衝寒雀豹來若爲方法便分乞小牕栽

刺梅園餞別陸進游汝陽

刺梅園裏青松樹笑我頻來竟白頭避暑暫辭襪穢客停杯又起別離愁村煙斷續陽人聚山色東西郊縣樓餘事機雲時唱和莫忘日下置輕郵

題湯上舍自牧潛籟軒

香草芹城外幽居虎峪隈緇塵吹不到白鳥有時來萬籟入門寂羣花繞屋開家僮聞剝啄知得異書回

七月晦日 賜藕恭紀二首

宸遊西苑念詞曹踏藕連船出鷺濤白藕金門教遍及青泥玉井訝新淘欲添素節秋迎閏是歲閏八月看漉花瓢日漸高賜果自來聞曲禮

不圖 異數小臣叨

分載復輿路未賒冰條玉筍淨無瑕蒸來須實鑿牙稻雪後寧論虎
掌瓜故事繙書前代少歸田對客異時誇餘根試傍柯亭種驗取薰
風紅白花

送慕主事權關杭州

江漲橋邊路星隨使者來須知持國計端藉軼倫才書幌晴湖卷茶
檣夜火開西谿春信早誰並詠官梅

題吳徵君

雲

詩卷二首

藉甚吳郎大雅材賦詩不上柏梁臺翻飛却似橫汾鴈幾度秋風上
苑來

三晉風騷雜僞真遺山歿後更無人把君行卷誰堪並除是番禺屈
大均

送趙主專

吉士

權關揚州

珠簾十里江都市鐵鹿連船估客檣持節自來星使重算緡須比水
衡強橋邊揚子仍開驛柳外平山舊有堂到及梅花官閣綻好攜賓
從促飛觴

贈別梅庚三首

宛陵才子數都官似爾清詩和者難猶記春游潭柘寺下方點筆到
層欄

東田西曲我曾居擬向茅山讀道書此意沉吟三歲久送君南去轉
躊躇

谿山重疊細泉分畫手由來最軼羣輸與田郎團扇好秋牕看寫敬
亭雲謂學使
嬰也

奉酬相國馮夫子問病之作

月閨延秋序樽空病酒徒黃楊生易厄烏几凭逾孤夫子勝龍樹奉
錢資藥爐清風兼有作宛使蟄蟲蘇

送十一叔還里卽作豫章之遊二首

沙隄棘寺路依然再到京華四十年
客裏鬢絲驚並老愁中藥裹迭
相憐觥籌尙記投賓轄薑蔗都無負郭田
此去南湖仍暫住未容高
枕竹林眠

大江西上總風湍猶勝驚沙老據鞍擬共故人登
快閣便浮小艇沂
層灘竹雞格磔雲根語蘭草葱青鏡裏看南道逢
迎應不少莫輕留
滯等長安

曝書亭集卷第十

二首

林葉十里五湖南
曝書亭集卷第十
古客留寺
自來星
曝書亭集卷第十